

四庫全書薈要

• 乾隆御覽本

史部

資治通鑑卷三十九

宋司馬光撰

胡三省音註

漢紀三十一

一起昭陽協洽盡開  
逢君灘凡二年

淮陽王

諱玄字聖公光武族兄也帝王世紀曰春  
陵戴侯熊渠生蒼梧太守利利生子張子

張生玄後敗降赤眉  
光武詔封為淮陽王

更始元年

更工衛翻是年  
二月即位改元

春正月甲子朔漢兵與下江

兵共攻甄阜梁丘賜斬之

甄之  
人翻

殺士卒二萬餘人王莽

納言將軍嚴尤秩宗將軍陳茂引兵欲據宛

宛於元翻

劉縯

與戰于消陽下

續漢志消陽縣屬南陽郡賢曰故城在今鄧州南陽縣南消水之陽因名消音

育大破之遂圍宛先是青徐賊衆雖數十萬人訖無文

書號令旌旗部曲

師古曰文謂文章號謂大位號也一日號謂號令也先悉薦翻

及漢

兵起皆稱將軍攻城略地移書稱說

稱說者數莽之罪也

莽聞之

始懼舂陵戴侯曾孫玄在平林兵中號更始將軍

更工衡翻

時漢兵已十餘萬諸將議以兵多而無所統一欲立劉

氏以從人望南陽豪傑及王常等皆欲立劉縯而新市

平林將帥樂放縱

樂音洛

憚續威明貪玄懦弱先共定策

立之然後召續示其議續曰諸將軍幸欲尊立宗室甚

厚然今赤眉起青徐衆數十萬聞南陽立宗室恐赤眉

復有所立

其後赤眉果立  
盆子復扶又翻

王莽未滅而宗室相攻是疑

天下而自損權

言宗室爭立則天下莫知所從  
是疑天下之心而自損其權也

非所以

破莽也春陵去宛三百里耳遽自尊立為天下準的使

後人得承吾敝非計之善者也不如且稱王以號令王

勢亦足以斬諸將若赤眉所立者賢相率而往從之必



不奪吾爵位若無所立破莽降赤眉

降戶江翻

然後舉尊號

亦未晚也諸將多曰善張卬拔劔擊地

考異曰司馬彪續漢書卬作

卬袁宏後漢紀作斤皆誤今從范曄後漢書

曰疑事無功

戰國策肥義對趙武靈王之言

今

日之議不得有二衆皆從之二月辛巳朔設壇場於清

水上沙中

水經注清水出弘農盧氏縣攻離山東南過南陽西鄂縣西北又東過宛縣南諸將立聖

公于斯水之上

玄即皇帝位南面立朝羣臣

朝直遙翻

羞愧流汗舉

手不能言于是大赦改元以族父良為國三老王匡為

定國上公王鳳為成國上公朱鮪為大司馬劉續為大

司徒陳牧為大司空餘皆九卿將軍

匡鳳皆位上公而加定國成國美號

也九卿將軍職為九卿各帶將軍之號仍王莽之制也

由是豪桀失望多不服桀

欲立續而今立玄故失望

王莽欲外示自安乃漆其須髮立杜陵

史譙女為皇后

譙時壬朔

置後宮位號視公卿大夫元士者

凡百二十人

三夫人視三公九嬪視九卿二十七世婦視二十七大夫八十一御妻視八十一元

士

莽赦天下詔王匡哀章等討青徐盜賊嚴尤陳茂

等討前隊醜虜明告以生活丹青之信

師古曰生活謂來降者不殺之

也丹青之信言明著也

復迷惑不解散

復扶又翻

將遣大司空隆新公

將百萬之師剝絕之矣

師古曰剝絕也音子小  
翻司空隆新公王邑

三月

王鳳與太常偏將軍劉秀等徇昆陽定陵鄆皆下之

賢曰

昆陽定陵鄆皆縣名並屬潁川郡昆陽故城在今許州  
葉縣北二十五里鄆今豫州鄆城縣也定陵在今鄆城  
西北鄆音於建翻予按舊唐書高宗咸亨二年冬校獵於許州葉縣昆水之陽

王莽聞嚴尤

陳茂敗乃遣司空王邑馳傳

傳知  
應翻

與司徒王尋發兵平

定山東徵諸明兵法六十三家以備軍吏以長人巨毋

霸為壘尉

鄭玄曰軍壁曰壘賢曰壘尉主壁壘之事

又驅諸猛獸虎豹犀象

之屬以助威武邑至洛陽州郡各選精兵牧守自將

守式

又翻將  
即亮翻

定會者四十三萬人號百萬餘在道者旌旗輜

重千里不絕

賢曰周禮曰析羽為旌熊虎為旗輜車名釋名曰輜廁也謂軍糧什物雜廁載之以

其累重故稱輜  
重重音直用翻

夏五月尋邑南出潁川與嚴尤陳茂合

諸將見尋邑兵盛皆反走入昆陽惶怖憂念妻孥

賢曰孥子

也音奴

欲散歸諸城劉秀曰今兵穀既少

少詩沼翻

而外寇強

大并力禦之功庶可立如欲分散勢無俱全且宛城未

拔

賢曰謂伯升  
固宛未拔

不能相救昆陽即拔一日之間諸部亦

滅矣今不同心膽共舉功名反欲守妻子財物邪諸將

怒曰劉將軍何敢如是秀笑而起會候騎還言大兵且

至城北軍陳數百里不見其後

陳請曰陣

諸將素輕秀及迫

急乃相謂曰更請劉將軍計之秀復為圖畫成敗

復扶又翻

為于偽翻

諸將皆曰諾時城中唯有八九千人秀使王鳳與

廷尉大將軍王常守昆陽夜與五威將軍李軼等十三

騎

賢曰王莽置五威將軍其衣服依五方之色以威天下李軼初起猶假以為號予謂如太常偏將軍廷尉

大將軍之類亦猶莽之納言大將軍秩宗大將軍是即前所云九卿將軍也

出城南門于外

收兵時莽兵到城下者且十萬秀等幾不得出

幾居希翻

尋

邑縱兵圍昆陽嚴尤說邑曰

說輸為翻

昆陽城小而堅今假

號者在宛

假號者謂更始也

亟進大兵彼必奔走宛敗昆陽自

服邑曰吾昔圍翟義坐不生得

翟義事見三十六卷王莽居攝二年賢曰坐才

臥翻以見責讓今將百萬之衆遇城而不能下非所以示

威也當先屠此城蹀血而進

師古曰蹀音大顛翻蹀謂履涉之也

前歌後

舞顧不快邪遂圍之數十重列營百數鉦鼓之聲聞數

十里

重直龍翻聞音問

或為地道衝朝撞城

賢曰衝撞車也詩曰臨衝閑閑許慎

曰朝撞車也朝音步耕翻撞文江翻

積弩亂發天下如雨城中負戶而汲

王鳳等乞降不許

降戶江翻

尋邑自以為功在漏刻不以軍

事為憂嚴尤曰兵法圍城為之闕

師古曰此兵法之言也闕不合也孫子曰

國師必闕曹操注云司馬法云圍其三面闕其一面所以示生路也

宜使得逸出以怖宛

下

怖普布翻

邑又不聽

棘陽守長岑彭

姓譜岑古岑子國之後呂氏春秋周

文王封吳母弟耀之子渠為岑子其地梁國岑事是也彭棘陽人守本縣長長知兩翻

與前隊貳

嚴說

貳副也莽使說為前隊大夫甄阜之副也

共守宛城漢兵攻之數月城

中人相食乃舉城降更始入都之諸將欲殺彭劉續曰

彭郡之大吏執心固守是其節也今舉大事當表義士

不如封之更始乃封彭為歸德侯

賢曰歸德縣名屬北地郡宋白曰慶州華

池縣本漢歸德縣地又通遠軍西北有歸德川

劉秀至鄧定陵悉發諸營兵

諸將貪惜財物欲分兵守之秀曰今若破敵珍寶萬倍

大功可成如為所敗

敗補逆翻

首領無餘何財物之有乃悉

發之六月己卯朔秀與諸營俱進自將步騎千餘為前

鋒去大軍四五里而陳

陳讀曰陣

尋邑亦遣兵數千合戰秀

奔之斬首數十級

賢曰秦法斬首一賜爵一級因謂斬首為級

諸將喜曰劉

將軍平生見小敵怯今見大敵勇甚可怪也且復居前



請助將軍秀復進尋邑兵却諸部共乘之斬首數百千

級

自數百級以至千級也復扶又翻

連勝遂前諸將膽氣益壯無不一

當百秀乃與敢死者三千人從城西水上衝其中堅

賢曰

敢死謂果敢而死者凡軍事中軍將軍至尊以堅銳自輔故曰中堅也予謂敢死者敢於致死者也

尋邑

易之

易以鼓翻

自將萬餘人行陳

師古曰巡行軍陳也行音卜更翻陳讀曰陣下同

敕諸營皆按部毋得動獨迎與漢兵戰不利大軍不敢

擅相救尋邑陳亂漢兵乘銳奔之遂殺王尋城中亦鼓

譟而出中外合執震呼動天地

呼火故翻

莽兵大潰走者相

騰踐伏尸百餘里會天雷風屋瓦皆飛雨下如注淫川

盛溢

水經曰淫水出南陽魯陽縣西堯山東南經昆陽城北東入汝漢音直理翻

虎豹皆股

戰士卒赴水溺死者以萬數

賢曰數過於萬故以萬為數

水為不流

為于偽翻

王邑嚴尤陳茂輕騎乘死人度水逃去盡獲其軍

實輜重不可勝算

重直用翻勝音升

舉之連月不盡或燔燒其

餘士卒奔走各還其郡王邑獨與所將長安勇敢數千

人還洛陽關中聞之震恐於是海內豪桀翕然響應

響應

若響之應聲也

皆殺其牧守自稱將軍用漢年號以待詔命旬

月之間徧于天下 莽聞漢兵言莽鴆殺孝平皇帝乃

會公卿於王路堂開所為平帝請命金滕之策

事見三十六卷

平帝元始六年為于偽翻

泣以示羣臣

劉秀復徇潁川攻父城不

下

賢曰父城縣名故城在今許州葉縣東北汝州郟城縣亦有父城復扶又翻下同

屯兵巾車

鄉

賢曰巾車鄉名也在父城界

潁川郡掾馮異監五縣

掾俞絹翻監古衙翻

為

漢兵所獲異曰異有老母在父城願歸據五城以效功

報德秀許之異歸謂父城長苗萌曰諸將多暴橫

長知兩翻

橫戶孟翻獨劉將軍所到不虜略觀其言語舉止非庸人也

遂與萌率五縣以降

降戶江翻

新市平林諸將以劉縯兄

弟威名益盛陰勸更始除之秀謂縯曰事欲不善

言更始欲

相圖也

縯笑曰當如是耳更始大會諸將取縯寶劍視之

繡衣御史申徒建隨獻玉玦

申徒即申屠賢曰玦決也令早決斷

更始不

敢發縯舅樊宏謂縯曰建得無有范增之意乎

范增事見九卷

高帝元年

縯不應李軾初與縯兄弟善後更諂事新貴

謂朱

鮪等秀戒縯曰此人不可復信

復扶又翻

縯不從縯部將劉稷

勇冠三軍

冠古玩翻

聞更始立怒曰本起兵圖大事者伯升

兄弟也今更始何為者邪更始以稷為抗威將軍稷不

肯拜

不肯拜受抗威之命也

更始乃與諸將陳兵數千人先收稷

將誅之續固爭李軼朱鮪因勸更始并執續即日殺之

以族兄光祿勲賜為大司徒

賜與更始同祖蒼梧太守利

秀聞之自

父城馳詣宛謝

賢曰以伯升見害心不自安故謝

司徒官屬迎弔秀

續之

官屬也

秀不與交私語

遠嫌也

惟深引過而已

引過以歸已

未嘗

自伐昆陽之功又不敢為續服喪

為于偽翻

飲食言笑如平

常更始以是慙拜秀為破虜大將軍封武信侯道士

西門君惠謂王莽衛將軍王涉曰識文劉氏當復興

扶

又翻  
下同

國師公姓名是也涉遂與國師公劉秀大司馬董

忠司中大贅孫伋謀以所部兵劫莽降漢以全宗族

涉欲

全王氏之族  
也降戶江翻

秋七月伋以其謀告莽莽召忠詰責因格

殺之使虎賁以斬馬劍剗忠收其宗族以醇醢毒藥白

刃叢棘并一坎而埋之秀涉皆自殺莽以其骨肉舊臣

惡其內潰故隱其誅

師古曰王涉骨肉劉歆舊臣予按  
莽傳涉曲陽侯根子也惡烏路翻

莽以軍師外破大臣內畔左右亡所信

古亡無  
字通

不能復

遠念郡國乃召王邑還為大司馬以大長秋張邯為大

司徒崔發為大司空司中壽容苗訢為國師

邯下甘翻訢音欣

莽憂慙不能食

又音慙慙音悶

但飲酒啗鰕魚

師古曰此鰕海魚也音霍郭璞

注三蒼曰鰕似蛤偏著石廣志曰鰕無鱗有殼一面讀附石細孔雜雜或七或九本草曰石決明一名鰕魚

軍書倦因馮几寐

師古曰馮讀曰憑

不復就枕矣

成紀隗崔

隗義

成紀縣屬天水郡賢曰故城在今秦州隴城縣西北隗姓出於赤狄

上邽楊廣冀人

周宗

上邽縣屬隴西郡賢曰故邽戎邑在秦州縣冀縣屬天水郡秦武公伐冀戎因縣之宗白曰秦州治

隴城縣即故冀城

同起兵以應漢攻平襄殺莽鎮戎大尹李育

賢曰平襄縣名屬天水郡故城在今秦州伏羌縣西北王莽改天水郡曰鎮戎崔兄子囂素有

名好經書

好呼到翻

崔等共推為上將軍崔為白虎將軍義

為左將軍

崔本自署右將軍白虎居右又起兵于西方白虎主之因改右將軍號白虎將軍

囂

遣使聘平陵方望以為軍師

賢曰平陵昭帝陵因以為縣故城在今咸陽縣西北

武王伐紂以太公為師尚父田單守即墨以一卒為神師韓信既破趙師事李左車皆軍師也後遂以為官稱

望說囂立高廟于邑東

平襄邑之東也說輸芮翻

已巳祠高祖太宗

世宗囂等皆稱臣執事殺馬同盟以興輔劉宗移檄郡

國數莽罪惡

數所具翻

勒兵十萬擊殺雍州牧陳慶安定大



尹王向

莽改漢涼州曰雍州向平阿侯王譚之子也考異曰王莽傳作卒正王旬袁紀作大守王向

今從

分遣諸將徇隴西武都金城武威張掖酒泉燉煌

范書

皆下之初茂陵公孫述為清水長

賢曰清水縣名屬天水郡

門翻

有能名遷導江卒正治臨邛

賢曰王莽改蜀郡曰導江臨邛今邛州縣

今秦

漢兵起南陽宗成商人王岑起兵徇

班志臨邛縣屬蜀

漢中以應漢宗成南陽人也地理志商縣屬殺王莽庸

部牧宗導衆合數萬人述遣使迎成等成等至成都地理

志成都縣

虜掠暴橫

橫戶

述名郡中豪桀謂曰天下同

苦新室思劉氏久矣故聞漢將軍到馳迎道路今百姓

無辜而婦子係獲此寇賊非義兵也乃使人詐稱漢使

者假述輔漢將軍蜀郡太守兼益州牧印綬選精兵西

擊成等殺之

按臨邛在成都西南述兵自臨邛迎擊成等非西向也此承范史之誤

并其

衆前鍾武侯劉望起兵汝南

按王子侯表鍾武侯侯度長沙定王之孫成帝

元延二年侯則結封其後不見或者望其則之子歟鍾武在義陽郡界水經注師水過義陽郡城東逕鍾武故

城南考異曰王莽傳作劉聖今從范書劉玄傳

嚴尤陳茂往歸之八月望即

皇帝位以尤為大司馬茂為丞相王莽使太師王匡

國將哀章守洛陽

將即亮翻紀作哀章今從范書

考異曰素

更始遣定國

上公王匡攻洛陽西屏大將軍申屠建丞相司直李松

攻武關

李松通之從弟屏必鄧翻

三輔震動析人鄧曄于匡起兵南

鄉以應漢

師古曰析南陽之縣南鄉析縣之鄉名也宋白曰鄧州內鄉縣古之析邑析音先歷翻

攻武關都尉朱萌萌降

降戶江翻

進攻右隊大夫宋綱殺之

莽改弘農郡曰右隊

西拔湖

師古曰湖弘農之縣也本屬京兆

莽愈憂不知所出

崔發言古者國有大災則哭以厭之

師古曰周禮春官之屬女巫巫之職曰

凡邦之大災歌哭以請哭者所以告哀也春秋左氏傳宣十二年楚子圍鄭旬有七日鄭人大臨守陴者皆哭

故發引之以為言  
也厭音一葉翻

宜告天以求救莽乃率羣臣至南郊

陳其符命本末仰天大哭氣盡伏而叩頭諸生小民旦

夕會哭為設殮粥

為于偽翻師古曰殮音千安翻

甚悲哀者除以為郎

郎至五千餘人莽拜將軍九人皆以虎為號將北軍精

兵數萬人以東內其妻子宫中以為質

質音致

時省中黃

金尚六十餘萬斤它財物稱是

稱尺證翻

莽愈愛之賜九虎

士人四千錢衆重怨無鬪意

師古曰重音直用翻

九虎至華陰回

谿

賢曰回谿今俗所謂回阮在洛州永寧縣東北其谿長四里闊二文深二文五尺華戶化翻

距隘

自守于匡鄧曄擊之六虎敗走二虎詣闕歸死莽使使

責死者安在皆自殺其四虎亡

二虎自殺者史熊王況也四虎亡者史逸其名

三虎收散卒保渭口京師倉

三虎郭欽陳翬成重也師古曰京師倉在華陰灌北

渭口也鄧曄開武關迎漢兵李松將三千餘人至湖與曄

等共攻京師倉未下曄以弘農掾王憲為校尉

掾俞將

數百人北度渭入左馮翊界李松遣偏將軍韓臣等徑

西至新豐擊莽波水將軍

據竇融傳莽拜融為波水將軍前書音義曰波水在長安

南追奔至長門官王憲北至頻陽所過迎降

師古曰所過之處人

皆來迎而  
降附也

諸縣大姓各起兵稱漢將軍率衆隨憲李松

鄧曄引軍至華陰而長安旁兵四會城下又聞天水隗

氏方到皆爭欲入城貪立大功

言入城誅莽既立大功又

得鹵掠貪二者之利也

莽赦城中囚徒皆授兵殺穉飲其血與誓

曰有不為新室者社鬼記之

穉許豈翻又音希為于偽翻

使更始將

軍史謚將之

謚氏壬翻

度渭橋皆散走謚空還衆兵發掘莽

妻子父祖冢燒其棺槨及九廟明堂辟雍火照城中九

月戊申朔兵從宣平城門入

師古曰長安城東出北頭第一門

張邯逢

兵見殺王邑王林王巡薨惲等分將兵距擊北闕下

薨

古曰音帶又音徒蓋翻  
薨姓惲名惲於粉翻

會日暮官府邸第盡奔亡己酉

城中少年朱弟張魚等恐見鹵掠趨謹並和

師古曰衆羣行謹而

自相和也謹許元

燒作室門

程大昌曰作室者未央宮西北織室暴室之類黃圖

翻和音呼卧翻

謂為尚方工作之所者也作室門則  
工徒出入之門蓋未央宮之便門也

斧敬法闔

師古曰敬法殿

名也闔小門也  
謂斧斫之也

呼曰反虜王莽何不出降

師古曰呼火音少故翻

及掖庭承明黃皇室主所居黃皇室主曰何面目以見

漢家自投火中而死莽避火宣室前殿火輒隨之莽紺

衲服

師古曰紺深青而揚赤色也衲純也純為紺服也衲音均又音弋旬翻

持虞帝七首

虞帝安得有七首蓋莽自為之以愚人

天文郎按式於前

師古曰式所以占時日天文郎

今之用式者也

莽旋席隨斗柄而坐曰天生德於予漢兵其如

予何

莽引孔子之言以自況

庚戌旦明羣臣扶掖莽自前殿之漸

臺

此未央宮之漸臺也水經未央漸臺在滄池中建章漸臺在太液池中程大昌曰漸者漬也言臺在水中

受其漸漬也凡臺之環浸于水者皆可名為漸臺漸于庶翻

公卿從官尚千餘人隨

之

從才用翻

王邑晝夜戰罷極

師古曰罷讀曰疲

士死傷略盡馳入

宮間關至漸臺

師古曰間關猶言崎嶇展轉也

見其子侍中睦解衣冠



欲逃邑叱之令還父子共守莽軍人入殿中聞莽在漸

臺衆共圍之數百重

重直龍翻

臺上猶與相射

射而亦翻

矢盡短

兵接王邑父子覺惓王巡戰死莽入室下鋪衆兵上臺

晡後謂之下晡按前書天文志旦至食時食時至日昃日昃至晡晡至下晡下晡至日入

苗訢唐尊

王盛等皆死

訢音欣

商人杜吳殺莽校尉東海公賓就斬

莽首

師古曰公賓姓就名也風俗通曰魯大夫公賓庚之後王莽五十一居攝五十四即真六十八誅死

軍人分莽身節解鬻分爭相殺者數十人公賓就持莽

首詣王憲憲自稱漢大將軍城中兵數十萬皆屬焉舍

東宮

師古曰舍止宿也

妻莽後宮乘其車服癸丑李松鄧曄入

長安將軍趙萌申屠建亦至以王憲得璽綬不上

璽斯氏翻

綬音受上時掌翻

多挾宮女建天子鼓旗收斬之傳莽首詣宛

縣于市百姓共提擊之

縣讀曰懸提音徒計翻

或切食其舌

班固贊曰王莽始起外戚折節力行以要名譽

折而設翻

要一送翻

及居位輔政勤勞國家直道而行豈所謂色取

仁而行違者邪

師古曰論語載孔子答子張言也不仁之人假仁者之色而行則違之行

下孟翻

莽既不仁而有佞邪之材又乘四父歷世之權

四父謂王鳳王音王商王根相繼秉政皆莽諸父也

遭漢中微國統三絕

成哀平皆

絕

而太后壽考為之宗主故得肆其姦慝以成篡盜

之禍推是言之亦天時非人力之致矣及其竊位南

面顛覆之執險於桀紂而莽晏然自以黃虞復出也

黃帝虞舜莽祖之復扶又翻

乃始恣睢奮其威詐

師古曰睢音呼李翻

毒流

諸夏亂延蠻貉猶未足以逞其欲焉是以四海之內

囂然喪其樂生之心

師古曰囂然衆口愁貌也音五高翻喪息浪翻

中外憤

怨遠近俱發城池不守支體分裂遂令天下城邑為

虛

虛讀曰墟

害徧生民自書傳所載亂臣賊子考其禍敗

未有如莽之甚者也昔秦燔詩書以立私議莽誦六

藝以文姦言

師古曰以六經之事文飾奸言

同歸殊塗俱用滅亡皆

聖王之驅除云爾

蘇林曰聖王光武也為光武驅除也師古曰言驅逐蠲除以待聖王

也

定國上公王匡拔洛陽生縛莽太師王匡哀章皆斬之

冬十月奮威大將軍劉信擊殺劉望於汝南

信大司徒賜兄顯之

子并誅嚴尤陳茂郡縣皆降

降音戶江翻

更始將都洛陽

以劉秀行司隸校尉使前整修宮府

司隸校尉察三輔三河弘農故使整

修宮

秀乃置僚屬作文移

東觀記曰文書移與屬縣也

從事司察一

如舊章

續漢書司隸置從事史十二人秩皆百石主督促文書察舉非法

時三輔吏士

東迎更始見諸將過皆冠幘而服婦人衣

漢官儀曰幘者古之卑賤

不冠者

之所服也方言曰覆髻謂之幘或謂之承露劉

昭志

曰秦雄諸侯乃加武將首飾為絳袖以表貴賤其

後稍作顏題漢興續其顏却櫟之施巾連題却覆之名

之曰幘幘者幘也頭首嚴幘也至孝文乃高其題崇其

巾為屋合後施収上下羣臣貴

莫不笑之及見司隸僚

賤皆服之文者長耳武者短耳

屬皆歡喜不自勝

勝音升

老吏或垂涕曰不圖今日復見

漢官威儀

復音扶又翻下同

由是識者皆屬心焉

皆屬音之欲翻

更始

北都洛陽分遣使者徇郡國曰先降者復爵位

降音戶江翻下

同使者至上谷

漢上谷郡治沮陽

上谷太守扶風耿況迎上印

綬

上音時掌翻

使者納之一宿無還意功曹寇恂勒兵入見

使者請之

姓譜蘇忿生為周武王司寇其後以官為寇氏百官志郡功曹主選署功勞在諸曹之上

使者不與曰天王使者功曹欲脅之邪恂曰非敢脅使

君竊傷計之不詳也今天下初定使君建節銜命郡國

莫不延頸傾耳今始至上谷而先墮大信

賢曰墮毀也讀曰墮將

復何以號令它郡乎使者不應恂叱左右以使者命召

況況至恂進取印綬帶況使者不得已乃承制詔之況

受而歸究人彭寵吳漢亡命在漁陽鄉人韓鴻為更始

使徇北州承制拜寵偏將軍行漁陽太守事

為彭寵據漁陽張本

以漢為安樂令

賢曰安樂縣名屬漁陽郡故城在今幽州潞縣西北樂音洛

更始遣

使降赤眉

遣使者招諭之使降而釋兵也後以意推降戶江翻

樊崇等聞漢室復

興即留其兵將渠帥二十餘人隨使者至洛陽

帥所類翻

更

始皆封為列侯崇等既未有國邑而留眾稍有離叛者

乃復亡歸其營

崇等時營在濮陽為赤眉攻更始張本

王莽廬江連率

潁川李憲據郡自守稱淮南王

率所類翻

故梁王立之子

永詣洛陽

立死見三十六卷平帝元始四年

更始封為梁王都睢陽

為永

據梁連羣盜張本睢音雖

更始欲令親近大將徇河北大司徒

賜言諸家子獨有文叔可用

諸家子謂南陽諸宗子也光武諱秀字文叔

朱

鮪等以為不可更始狐疑賜深勸之更始乃以劉秀行

大司馬事持節北度河鎮慰州郡

為光武自河北定天下張本

以

大司徒賜為丞相令先入關修宗廟宮室

將都長安也

大



司馬秀至河北所過郡縣考察官吏黜陟能否平遣囚

徒除王莽苛政

賢曰說文苛小艸也言政令繁細

復漢官名吏民喜悅

爭持牛酒迎勞

勞力到翻

秀皆不受南陽鄧禹杖策追秀及

於鄴秀曰我得專封拜生遠來寧欲仕乎禹曰不願也

秀曰即如何欲為禹曰但願明公威德加于四海禹

得効其尺寸垂功名于竹帛耳

漢初未有紙以竹簡及纁素書故言竹帛秀

笑因留宿間語

賢曰間私也

禹進說曰

說翰內翻下同

今山東未安

赤眉青犢之屬動以萬數更始既是常才而不自聽斷

斷丁  
亂翻

諸將皆庸人屈起

賢曰屈音求勿翻

志在財幣爭用威力

朝夕自快而已非有忠良明智深慮遠圖欲尊主安民者也歷觀往古聖人之興二科而已天時與人事也今

以天時觀之更始既立而災變方興以人事觀之帝王

大業非凡夫所任

任音壬

分崩離析形勢可見明公雖建

藩輔之功猶恐無所成立也況明公素有盛德大功為天下所嚮服軍政齊肅賞罰明信為今之計莫如延攬英雄務悅民心立高祖之業救萬民之命以公而慮天

下不足定也

鄧禹為中興元功實本諸此

秀大悅因令禹宿止於中

與定計議每任使諸將多訪於禹皆當其才秀自兄續

之死每獨居輒不御酒肉

御進也

枕席有涕泣處主簿馮

異獨叩頭寬譬

馮異自父城歸光武為司隸主簿及度河為大司馬主簿寬釋也譬曉也譬曉

以寬釋其哀戚之情

秀止之曰卿勿妄言異因進說曰更始政亂

百姓無所依戴夫人久飢渴易為充飽

孟子曰飢者易為食渴者易為

飲賢曰猶言凋殘之後易流德澤易以旰飧

今公專命方面宜分遣官屬徇

行郡縣

行下孟翻

宣布惠澤秀納之騎都尉宋子耿純謁秀

於邯鄲

先是李軾承制拜耿純為騎都尉賢曰宋子縣屬鉅鹿郡故城在今趙州平棘縣北三十里邯

鄲縣屬趙國今洛州縣

退見官屬將兵法度不與他將同遂自結

納故趙繆王子林

賢曰繆王景帝七代孫名元前書曰坐殺人為大鴻臚所奏謚曰繆

謬說秀決列人河水以灌赤眉

續漢書林言于秀曰赤眉可破秀問其故對曰

赤眉今在河東河水從列人北流如決河水灌之可令為魚列人縣屬鉅鹿郡賢曰故城在今洛州肥鄉縣東

北秀不從去之真定

賢曰真定縣名屬真定國今恒州縣也

林素任俠於

趙魏間王莽時長安中有自稱成帝子子輿者莽殺之

如淳曰相與信為任同是非為俠所謂權行州里力折公侯者也或曰俠之為言挾也以權力夾輔入者也子

輿事見三十七卷  
王莽始建國二年

邯鄲卜者王郎緣是詐稱真子輿云

毋故成帝謳者嘗見黃氣從上下遂任身

壬任音

趙后欲

害之偽易它人予以故得全林等信之與趙國大豪李

育張參等謀共立郎會民間傳赤眉將度河林等因此

宣言赤眉當立劉子輿以觀衆心百姓多信之十二月

林等率車騎數百晨入邯鄲城止于王宮

賢曰故趙王之宮也邯鄲

音寒

立郎為天子分遣將帥徇下幽冀移檄州郡趙國

以北遼東以西皆望風響應

二年春正月大司馬秀以王郎新盛乃北徇薊

賢曰薊縣名屬

涿郡今幽州縣也薊音計

申屠建李松自長安迎更始遷都二月

更始發洛陽初三輔豪桀假號誅莽者

謂假漢將軍號也

人人

皆望封侯申屠建既斬王憲又揚言三輔兒大黠

黠下八翻

桀黠也

共殺其主吏民惶恐屬縣屯聚建等不能下更始

至長安乃下詔大赦非王莽子他皆除其罪於是三輔

悉平時長安唯未央宮被焚其餘宮室供帳倉庫官府

皆案堵如故市里不改於舊更始居長樂宮

樂音洛

升前

殿郎吏以次列庭中更始羞怩首刮席不敢視

賢曰作顏

色變也倨俯也刮起也作才各翻倨音免

諸將後至者更始問虜掠得幾何

左右侍官皆宮省久吏驚愕相視

給事天子左右者謂之侍官

李松

與棘陽趙萌說更始宜悉王諸功臣

說輸芮翻王于況翻

朱鮪爭

之以為高祖約非劉氏不王

鮪于

更始乃先封諸宗室

祉為定陶王

班志定陶縣屬濟陰郡宋白曰定陶故城在曹州東北三十七里

慶為燕

王燕于歙為元氏王

元氏縣屬常山郡閼駟曰趙公子元之封邑故曰元氏

嘉為

漢中王

祉春陵康侯祉之子太宗也慶祉之弟賜為宛嘉祉之弟于歙更始之叔父歙許及翻

王宛縣屬南陽郡宋白曰鄧州南陽縣漢之宛縣信為汝陰王班志汝陰縣屬汝南郡故胡國唐潁州治

所然後立王匡為沘陽王沘陽後漢書作比陽比陽縣屬南陽郡唐屬唐州王鳳

為宜城王班志宜城縣屬南郡故鄢朱為大堤之地立華山郡後魏改宜城郡唐為縣屬襄州朱鮪為

膠東王膠東漢王國都即墨賢曰故城在今萊州膠水縣東南王常為鄧王鄧縣屬南陽郡故鄧

國唐為鄧城縣屬襄州申屠建為平氏王班志平氏縣屬南陽郡有桐柏山唐為桐柏縣屬唐州

陳牧為陰平王賢曰陰平縣屬廣漢郡宋白曰唐文州曲水縣漢陰平道也衛尉大將軍

張印為淮陽王淮陽本陳國漢為淮陽國賢曰淮陽故城在今陳州宛丘縣東南執金吾大

將軍廖湛為穰王穰縣屬南陽郡師古曰今鄧州穰縣是也尚書胡殷為隨王隨縣



屬南陽郡古隨國唐為隨州

柱天大將軍李通為西平王

賢曰西平縣屬汝南郡故

城在今豫州郢城縣南

五威中郎將李軼為舞陰王

舞陰縣屬南陽郡宋白曰唐州

泌陽縣本漢舞陰縣地舞陽故城在葉縣東十里

水衡大將軍成丹為襄邑王

襄邑

縣屬陳留郡國稱曰襄邑宋地本承匡襄陵鄉也宋襄公所葬故曰襄陵秦始皇以承匡卑濕徙縣於襄陵故曰襄

邑縣西三十里有承匡故城

驃騎大將軍宗佻為潁陰王

佻他郎翻又田聊翻班志潁陰縣屬潁川郡

尹尊為郾王

班志郾縣屬潁川郡宋白曰七國時魏之

下邑今許州郾城縣是也括地志豫州襄信縣本漢郾縣地師古曰郾一戰翻

唯朱鮪辭不受乃

以鮪為左大司馬完王賜為前大司馬使與李軼等鎮

撫關東又使李通鎮荊州王常行南陽太守事以李松

為丞相趙萌為右大司馬共秉內任

內任謂朝廷之內

更始納

趙萌女為夫人故委政於萌日夜飲讌後庭羣臣欲言  
事輒醉不能見時不得已乃令侍中坐帷中與語韓夫

人尤嗜酒每侍飲見常侍奏事

中常侍受外朝臣奏事而奏之天子

輒怒

曰帝方對我飲正用此時持事來邪起抵破書案

賢曰抵擊

也趙萌專權生殺自恣郎吏有說萌放縱者更始怒拔

劍斬之自是無敢復言

復扶又翻

以至羣小膳夫皆濫受官

爵長安為之語曰竈下養中郎將

公羊傳曰炊烹為養音弋亮翻

爛羊

胃騎都尉爛羊頭關內侯

言以烹煮熟爛為功也

軍師將軍李淑

上書諫曰陛下定業雖因下江平林之執斯蓋臨時濟

用不可施之既安唯名與器聖人所重

孔子曰唯名與器不可以假人

今加非其人望其裨益萬分猶緣木求魚升山采珠

賢曰

言求之非所不可得也

海內望此有以窺度漢祚

度徒洛翻

更始怒囚

之諸將在外者皆專行誅賞各置牧守州郡交錯不知

所從由是關中離心四海怨叛

更始徵隗囂及其叔

父崔義等囂將行方望以更始成敗未可知固止之囂不

聽望以書辭謝而去囂等至長安更始以囂為右將軍

崔義皆即舊號

就其舊號以授之隗囂達方望之言而從更始達馬援之言而叛光武始則幾

至殺身後則終于滅族擇木之難也

耿況遣其子弇奉奏詣長安弇時年

二十一

弇古含翻

行至宋子會王郎起弇從吏孫倉衛包曰

劉子輿成帝正統捨此不歸遠行安之弇按劔曰子輿

弊賊卒為降虜耳

從才用翻卒終也音子恤翻

我至長安與國家陳

上谷漁陽兵馬歸發突騎

賢曰突騎言能衝突軍陳

以犄鳥合之衆

如摧枯折腐耳

賢曰輶輶也音力刃翻

觀公等不識去就族滅不

久也倉包遂亡降王郎弇聞大司馬秀在盧奴

賢曰盧奴縣名

屬中山國故城在今定城安喜縣水經注曰縣有黑水故池水黑曰盧不流曰奴因以為名

乃馳北

上謁

上時掌翻下異上同

秀留署長史與俱北至薊

薊故燕都昭帝改燕為廣

陽國亦治薊

王郎移檄購秀十萬戶秀令功曹令史潁川王

霸至市中募人擊王郎

漢舊注公府令史秩百石霸時為大司馬功曹令史

市人

皆大笑舉手邪揄之霸慚懣而反

賢曰說文曰懣懣手相笑也懣音弋支翻

懣音踰或音由此云邪揄語輕重不同懣亦慚也音遂

秀將南歸耿弇曰今兵從

南方來不可南行漁陽太守彭寵公之邑人

彭寵南陽宛人上

谷太守即弇父也發此兩郡控弦萬騎邯鄲不足慮也

秀官屬腹心皆不肯曰死尚南首奈何北行入囊中

賢曰

漁陽上谷北接塞垣至彼路窮如入囊中也首音式救翻

秀指弇曰是我北道主人

也會故廣陽王子接起兵薊中以應郎

賢曰廣陽王名嘉武帝五代孫

城內擾亂言邯鄲使者方到二千石以下皆出迎于是

秀趣駕而出

賢曰趣急也音促

至南城門門已閉攻之得出遂

晨夜南馳不敢入城邑舍食道傍至蕪婁亭

賢曰蕪婁亭名在今

饒陽東北華

時天寒烈馮異上豆粥至饒陽

賢曰饒陽縣名屬安

平國在饒河之陽故城在今瀛州饒陽縣東北

官屬皆乏食秀乃自稱邯鄲使

者入傳舍

賢曰傳舍客館也傳音知戀翻下同

傳吏方進食從者飢爭奪

之

從才用翻傳吏疑其偽乃椎鼓數十通給言邯鄲將軍至

賢曰椎直追翻給言欺誑也音衣

官屬皆失色秀升車欲馳既而懼不

免徐還坐曰請邯鄲將軍入久乃駕去晨夜兼行蒙犯

霜雪面皆破裂至下曲陽

賢曰下曲陽縣名屬鉅鹿郡常山郡有上曲陽故此言下

劉昭曰下曲陽有鼓聚故翟鼓子國宋白曰鎮州鼓城縣漢下曲陽縣地

傳聞王郎兵在後

從者皆恐

從才用翻

至潯沱河

賢曰山海經云大戲之山潯沱之水出焉在今代州繁峙

縣東流經定州深澤縣東南即光武所度處今俗猶謂之危渡口臣賢按潯沱河舊在饒陽南至魏太祖曹操

因饒河故潰決今北注新溝水所以今在饒陽縣北

候吏還白河水流漸

賢曰漸音斯冰

漸也無船不可濟秀使王霸往視之霸恐驚衆欲且前阻

水還即詭曰冰堅可度官屬皆喜秀笑曰候吏果妄語

也遂前比至河

比必寐翻及也

河水亦合乃令王霸護度

賢曰監護

度也未畢數騎而冰解至南宮

賢曰南宮縣名屬信都國今冀州縣也

遇大

風雨秀引車入道傍空舍馮異抱薪鄧禹爇火

賢曰爇音而悅



翻秀對竈燎衣

賢曰燎炙也

馮異復進麥飯

又翻扶

進至下博

城西

賢曰下博縣屬信都國在博水之下故曰下博故城在今冀州下博縣南

惶惑不知所

之有白衣老父在道旁

賢曰蓋神人也今下博縣西有祠堂

指曰努力信

都郡為長安城守

賢曰信都郡今冀州為于偽翻

去此八十里秀即馳

赴之是時郡國皆已降王郎獨信都太守南陽任光和

戎太守信都邳彤不肯從

東觀記曰王莽分信都為和我居下曲陽邳彤傳作和成

成字為是風俗通奚仲為夏車正封於邳其後以為氏彤余中翻

光自以孤城獨守恐

不能全

賢曰獨守無援故恐

聞秀至大喜吏民皆稱萬歲邳彤亦

自和戎來會議者多言可因信都兵自送西還長安邳

彤曰吏民歌吟思漢久矣故更始舉尊號而天下響應

三輔清宮除道以迎之今卜者王郎假名因執驅集烏

合之衆遂振燕趙之地也振舉無有根本之固明公奮二

郡之兵以討之二郡信都何患不克今釋此而歸豈徒空

失河北必更驚動三輔墮損威重墮讀曰墮非計之得者也

若明公無復征伐之意復扶又翻則雖信都之兵猶難會也

何者明公既西則邯鄲執成民不肯捐父母背成主而

千里送公

謂光武西歸則王郎之位號定故曰成主背蒲妹翻

考異曰范書邳彤傳邯鄲成民不

肯背成主字皆作城表紀作邯鄲和城民不肯捐父母背成主而千里送公漢春秋作邯鄲之民不能捐父母背成主

按文意城皆當作成邯鄲成謂邯鄲孰成也成主謂王郎為已成之主也其離散亡逃可必

也秀乃止秀以二郡兵弱欲入城頭子路力子都軍中

爰曾起兵盧城頭曾字子路故號城頭子路考異任

曰范書作力子都同編修劉攽曰力當作刁音彫

光以為不可乃發傍縣得精兵四千人拜任光為左大

將軍信都都尉李忠為右大將軍邳彤為後大將軍和

戎太守如故信都令萬修為偏將軍

萬姓也孟子皆封弟于有萬章

列侯留南陽宗廣領信都太守事使任光李忠萬修將

兵以從

從才用翻  
下使從同

邳彤將兵居前任光乃多作檄文曰

大司馬劉公將城頭子路力子都兵百萬衆從東方來

擊諸反虜遣騎馳至鉅鹿界中吏民得檄傳相告語

傳知

應翻語  
牛倨翻

秀投暮入堂陽界

賢曰堂陽縣屬鉅鹿郡在堂  
水之陽故城在今冀州鹿城

縣南多張騎火彌滿澤中堂陽即降又擊貫縣降之

賢曰  
貫縣

屬鉅鹿郡音時夜  
翻師古音式制翻

城頭子路者東平爰曾也寇掠河濟

間有衆二十餘萬

濟子  
禮翻

力子都有衆六七萬故秀欲依

之昌城人劉植聚兵數千人據昌城迎秀

賢曰昌城縣屬信都郡故

城在今冀州西北杜佑曰故城在冀州信都縣北水經註引應劭曰在堂陽縣北三十里

秀以植為

驍騎將軍耿純率宗族賓客二千餘人老病者皆載木

自隨

賢曰左傳曰又如是而嫁將就木焉木謂棺也老病者恐死故載以從軍

迎秀以育

賢曰

育縣名故城在冀州予考兩漢志無育縣蓋贊字之誤

拜純為前將軍進攻下曲

陽降之衆稍合至數萬人復北擊中山

賢曰中山國一名中人亭故城在今

定州唐縣東北張曜中山記曰城中有山故曰中山也復扶又翻

耿純恐宗家懷異心

乃使從弟訢宿歸燒廬舍以絕其反顧之望秀進拔廬

奴杜佑曰定州安喜縣漢盧奴也所過發奔命兵移檄邊郡共擊邯鄲

郡縣還復響應

復扶又翻下同

時真定王楊起兵附王郎衆十

餘萬秀遣劉植說楊楊乃降

楊常山憲王彛六世孫彛景帝子也說翰尚翻

秀

因留真定納楊甥郭氏為夫人以結之進擊元氏防子

皆下之

賢曰元氏防子屬常山郡並今趙州縣也防與房古字通用

至鄆擊斬王郎

將李暉

鄆縣屬常山郡賢曰今趙州高邑縣也鄆音呼各翻暉於粉翻

至柏人復破郎

將李育

賢曰柏人縣名屬趙國今邢州縣故城在縣之西北

育還保城攻之不下

南鄭人延岑起兵據漢中

延姓岑名

漢中王嘉擊降之有

衆數十萬校尉南陽賈復見更始政亂乃說嘉曰

說嘉曰  
尚翻

今天下未定而大王安守所保所保得無不可保乎

保所

謂漢中也

嘉曰卿言大非吾任也大司馬在河北必能相用

乃為書薦復及長史南陽陳俊於劉秀復等見秀於柏

人秀以復為破虜將軍俊為安集掾

劉玄傳玄初從陳牧等為其軍安集

掾賢曰欲以安集軍衆故權以為官名予謂光武用俊之意不特安集軍衆盡為民也掾俞絹翻

秀舍

中兒犯法軍市令賴川祭遵格殺之

從軍者非一處人故於軍中立市使

相貿易置令以治之姓譜周公第五子祭伯其後以為氏賢曰祭音側介翻

秀怒命收遵主

簿陳副諫曰明公常欲衆軍整齊今遵奉法不避是教

令所行也乃貫之

賢曰貫猶敵也

以為刺姦將軍

王莽置左右刺奸使督奸

猾光武因以爲將軍號

謂諸將曰當備祭遵吾舍中兒犯法尚殺

之必不私諸卿也

初王莽既殺鮑宣

事見三十六卷平帝元始三年

上黨都尉路平欲殺其子永太守苟諫保護之永由是得全更始徵永為尚書僕射行大將軍事將兵安集河

東并州

河東郡本屬司隸令永安集河東及并州所部諸郡

得自置偏裨永至河

東擊青犢大破之以馮衍為立漢將軍屯太原與上黨



太守田邑等繕甲養士以扞衛并土 或說大司馬秀

以守柏人不如定鉅鹿

說輸為翻下同

秀乃引兵東北拔廣阿

賢曰廣阿縣名屬鉅鹿郡故城在今趙州象城縣西北杜佑曰趙州昭慶縣漢廣阿縣

秀拔輿地

圖

武帝時羣臣請王皇子御史奏輿地圖索隱曰謂地為輿者天上有覆載之德故謂天為蓋謂地為輿故

地圖稱輿地圖疑自古有此名非始漢也

指示鄧禹曰天下郡國如是今始

乃得其一子前言以吾慮天下不足定何也禹曰方今

海內散亂人思明君猶赤子之慕慈母古之興者在德

薄厚不以大小也

薊中之亂耿弇與劉秀相失北走

昌平

賢曰昌平縣屬上谷郡今幽州縣故城在縣東

就其父況因說況擊邯鄲

說輸尚翻下同

時王郎遣將徇漁陽上谷急發其兵北州疑惑

多欲從之上谷功曹寇恂門下掾閔業

閔姓也魯有大夫閔馬父孔子

弟子有閔子騫

說況曰邯鄲拔起

賢曰拔粹也

難可信向大司馬劉

伯升母弟尊賢下士可以歸之

下退掾翻

況曰邯鄲方盛力

不能獨拒如何對曰今上谷完實控弦萬騎可以詳擇

去就恂請東約漁陽齊心合衆邯鄲不足圖也況然之

遣恂東約彭寵欲各發突騎二千匹步兵千人詣大司

馬秀安樂令吳漢護軍蓋延狐奴令王梁亦勸寵從秀

樂音洛蓋古蓋翻  
狐奴縣屬漁陽郡

寵以為然而官屬皆欲附王郎寵不

能奪漢出止外亭

外亭城門  
外之亭也

遇一儒生召而食之

食讀  
日飲

問以所聞生言大司馬劉公所過為郡縣所稱邯鄲舉

尊號者實非劉氏漢大喜即詐為秀書移檄漁陽使生

齎以詣寵令具以所聞說之

說輸  
尚翻

會寇恂至寵乃發步

騎三千人以吳漢行長史與蓋延王梁將之南攻薊殺

王郎大將趙闕寇恂還遂與上谷長史景丹及耿弇將

兵俱南與漁陽軍合所過擊斬王郎大將九卿校尉以下凡斬首三萬級定涿郡中山鉅鹿清河河間凡二十縣前及廣阿聞城中車騎甚衆丹等勒兵問曰此何兵曰大司馬劉公也諸將喜即進至城下城下初傳言二郡兵為邯鄲來

為于偽  
翻下同

衆皆恐劉秀自登西城樓勒兵問之耿弇拜于城下即召入具言發兵狀秀乃悉召

景丹等入笑曰邯鄲將帥數言我發漁陽上谷兵

數所  
角翻

下吾聊應言我亦發之

賢曰王郎將帥數云欲發二郡  
兵故拒光武聊亦應云然猶今

兩軍相戲弄也孔穎達曰卿且畧之辭

何意二郡良為吾來

考異曰素紀作良牧為

吾來今從景丹傳韻釋良首也信也

方與士大夫共此功名耳乃以景丹

寇恂耿弇蓋延吳漢王梁皆為偏將軍使還領其兵加

耿況彭寵大將軍封況寵丹延皆為列侯吳漢為人質

厚少文造次不能以辭自達

少詩沼翻朱子曰造次急遽苟且之時造七到翻

然沉厚有智畧

沈持林翻

鄧禹數薦之於秀秀漸親重之更

始遣尚書令謝躬率六將軍討王郎不能下秀至與之

合軍東圍鉅鹿月餘未下王郎遣將攻信都大姓馬寵

等開門內之更始遣兵攻破信都秀使李忠還行太守

事王郎遣將倪宏劉奉率數萬人救鉅鹿秀逆戰於南

繇不利

賢曰南繇縣名屬鉅鹿郡故城在今邢州柏人縣東北左傳齊國夏伐晉取欒即其地也其後

南徙故加南今謂之倫城聲之轉也杜佑曰唐鉅鹿漢南繇地漢鉅鹿縣今平鄉也繇音力全翻

景丹

等縱突騎擊之宏等大敗秀曰吾聞突騎天下精兵今

見其戰樂可言邪

樂音洛

耿純言於秀曰久守鉅鹿士衆

疲弊不如及大兵精銳進攻邯鄲若王郎已誅鉅鹿不

戰自服矣秀從之夏四月留將軍鄧滿守鉅鹿進軍邯

鄆連戰破之郎乃使其諫大夫杜威請降威雅稱郎實

成帝遺體秀曰設使成帝復生

復扶又翻

天下不可得況詐

子輿者乎威請求萬戶侯秀曰顧得全身可矣威怒而

去秀急攻之二十餘日五月甲辰郎少傅李立開門內

漢兵遂拔邯鄆郎夜亡走王霸追斬之秀收郎文書得

吏民與郎交關謫毀者數千章

闕通也

秀不省

省悉并翻

會諸

將軍燒之曰令反側子自安

賢曰反側不安詩曰展轉反側

秀部分吏

卒各隸諸軍

絕句

士皆言願屬大樹將軍大樹將軍者偏

將軍馮異也為人謙退不伐敕吏士非交戰受敵常行

諸營之後每所止舍諸將並坐論功異常獨屏樹下

必屏

郢翻蔽也坐樹下以自匿也

故軍中號曰大樹將軍護軍宛人朱祐

言于秀曰長安政亂公有日角之相此天命也

曰考異范書

表紀朱祐皆作祐按東觀記祐皆作福避安帝諱許慎說文祐字無解云上諱然則祐名當作示旁古古今之

古不當作左右之右也相息亮翻

秀曰召刺姦收護軍

祐事伯升為大司徒護軍光武

為大司馬復以為護軍百官表護軍祐乃不敢復言

扶復

又翻下同更始遣使立秀為蕭王

賢曰蕭縣屬沛郡今徐州縣也

悉令罷兵



與諸將有功者詣行在所

蔡邕獨斷曰天子以四海為家故謂所居為行在所

遣

苗曾為幽州牧韋順為上谷太守蔡充為漁陽太守並

北之部蕭王居邯鄲宮晝臥溫明殿

賢曰趙王如意之殿也故基在今洛

州邯鄲縣內水經注溫明殿在叢臺西

耿弇入造牀下請間

造上到翻

因說曰

吏士死傷者多請歸上谷益兵蕭王曰王郎已破河北

畧平復用兵何為

復扶又翻

弇曰王郎雖破天下兵革乃始

耳今使者從西方來欲罷兵不可聽也銅馬赤眉之屬

數十輩輩數十百萬人所向無前聖公不能辦也

賢曰辦猶

成也音蒲覓翻予據史記項梁曰使公主  
某事不能辦即此意今人謂了事為辦事敗必不久蕭

王起坐曰卿失言我斬卿弇曰大王哀厚弇如父子故

敢披赤心蕭王曰我戲卿耳何以言之弇曰百姓患苦

王莽復思劉氏聞漢兵起莫不歡喜如去虎口得歸慈

母今更始為天子而諸將擅命於山東貴戚縱橫於都

內橫戶孟翻都虜掠自恣元元叩心更思莽朝朝直是

以知其必敗也公功名已著以義征伐天下可傳檄而

定也天下至重公可自取毋令它姓得之蕭王乃辭以

河北未平不就徵始貳於更始

賢曰貳離異也

是時諸賊銅馬

大彤高湖重連鐵脰大槍尤來上江青犢五校五幡五

樓富平獲索等各領部曲衆合數百萬人

賢曰諸賊或以山川土地

為名或以軍容強盛為號銅馬賊帥東山荒秃上淮況

等大彤渠帥樊重尤來渠帥樊崇五校賊帥高扈檀鄉

賊帥董次仲五樓賊帥張文富平賊帥徐少獲索賊帥

古師郎等並見東觀記脰形定翻富平縣名屬平原郡

今棣州厭次縣

所在寇掠蕭王欲擊之乃拜吳漢耿弇俱為大

將軍持節北發幽州十郡突騎

幽州十郡丞郡廣陽代郡上谷漁陽遼西遼東

玄菟樂浪郡是也

苗曾聞之陰敕諸郡不得應調

賢曰調發也調徒弔翻

吳漢將二十騎先馳至無終

賢曰無終本山戎國也無終山名因以為國號漢為

縣名屬右北平故城在今幽州  
漁陽縣是時苗曾蓋治無終

曾出迎於路漢即收曾

斬之耿弇到上谷亦收韋順蔡充斬之北州震駭于是

悉發其兵秋蕭王擊銅馬於鄴

賢曰鄴縣名屬鉅鹿郡故城在冀州鹿城縣東

鄴音古  
堯翻

吳漢將突騎來會清陽

賢曰清陽縣名屬清河郡今貝州縣故城在州

西北士馬甚盛漢悉上兵簿於莫府

賢曰莫大也兵簿軍士之名帳上時掌翻

請所付與不敢自私王益重之王以偏將軍沛國朱浮

為大將軍幽州牧使治薊城銅馬食盡夜遁蕭王追擊

於館陶大破之

賢曰館陶縣屬魏郡今魏州縣

受降未盡

降戶江

而高

湖重連從東南來與銅馬餘衆合蕭王復與大戰於蒲

陽悉破降之

賢曰前書音義曰蒲陽山蒲水所出在今定州北平縣西北予按此乃班書地理志

中山曲逆縣下分注

非音義也復扶又翻

封其渠帥為列侯

帥所類翻

諸將未能

信賊降者亦不自安王知其意敕令降者各歸營勒兵

自乘輕騎按行部陳降者更相語曰蕭王推赤心置

人腹中安得不投死乎

賢曰投死猶曰致死予謂投託也託以死也行下孟翻陳讀曰

陣更工衡翻

由是皆服悉以降人分配諸將衆遂數十萬赤

眉別帥與青犢上江大彤鍊脰五幡十餘萬衆在射犬

賢曰

續漢志野王有射犬聚故城在今懷州武德縣北

蕭王引兵進擊大破之南徇河

內河內太守韓歆降

初謝躬與蕭王共滅王郎數與蕭

王違戾

數所角翻

常欲襲蕭王畏其兵彊而止雖俱在邯鄲遂

分城而處

處昌呂翻

然蕭王有以慰安之躬勤於吏職蕭王常稱

之曰謝尚書真吏也故不自疑其妻知之常戒之曰君與劉

公積不相能而信其虛談終受制矣躬不納既而躬率其兵

數萬還屯于鄴

鄴縣屬魏郡

及蕭王南擊青犢使躬邀擊尤來

於隆慮山

地理志隆慮縣屬河內郡應劭曰隆慮山在縣北避瑒帝名改曰林慮師古曰慮音廬躬

兵大敗蕭王因躬在外使吳漢與刺奸大將軍岑彭襲據

鄴城躬不知輕騎還鄴漢等收斬之其衆悉降 更始遣

柱功侯李寶益州刺史李忠將兵萬餘人徇蜀漢公孫述

遣其弟恢擊寶忠於綿竹

賢曰綿竹縣名屬廣漢郡今益州縣也故城今在縣東

大

破走之述遂自立為蜀王都成都

述先居臨邛今徙成都

民夷皆附

之 冬更始遣中郎將歸德侯颯大司馬護軍陳遵使匈

奴授單于漢舊制璽綬

王莽篡漢易單于璽綬事見三十卷始建國二年今復授之颯音

立璽斯氏  
翻綬音受

因送云當餘親屬貴人從者還匈奴

天鳳五年莽脅

云當至長安莽敗云當亦死所餘親屬貴人從者今送還匈奴從才用翻

單于與驕謂遵颯

曰匈奴本與漢為兄弟匈奴中亂

師古曰言中間之時也讀如本字又音竹

仲孝宣皇帝輔立呼韓邪單于故稱臣以尊漢今漢亦

大亂為王莽所篡匈奴亦出兵擊莽空其邊境令天下

騷動思漢莽卒以敗而漢復興亦我力也當復尊我遵

與相掌拒

卒子恤翻復扶又翻師古曰掌謂支拄也音人庚翻又丑庚翻

單于終持此

言赤眉樊崇等將兵入潁川分其衆為二部崇與逢



安為一部

東觀記曰達音龐

徐宣謝祿楊音為一部赤眉雖數

戰勝

數所角翻

而疲弊厭兵皆日夜愁泣思欲東歸崇等計

議慮衆東向必散不如西攻長安於是崇安自武關宣

等從陸渾關

賢曰武關在今商州上洛縣東文穎曰弘農折縣西百七十里

有武關前書曰陸渾關有闕在今洛州伊闕縣西南地理志

陸渾縣屬弘農郡師古曰渾音胡昆翻兩道俱入更始

使王匡成丹與抗威將軍劉均等分據河東弘農以拒

之蕭王將北徇燕趙度赤眉必破長安

度徒洛翻

又欲乘

釁并關中而未知所寄乃拜鄧禹為前將軍中分麾下

精兵二萬人遣西入關令自選偏裨以下可與俱者時

朱鮪李軼田立陳僑將兵號三十萬僑音喬與河南太守

武勃共守洛陽鮑永田邑在并州蕭王以河內險要富

實河內北有大行之險南據河津之要欲擇諸將守河內者而難其人賢曰

非其人不可故難之問於鄧禹鄧禹曰寇恂文武備足有牧人御

衆之才非此子莫可使也乃拜恂河內太守行大將軍

事考異曰表紀鄧禹初見王於鄴即言欲據河內至是又云更始武陰王李軼據洛陽尚書謝躬據鄴各

十餘萬衆王患焉將取河內以迫之謂鄧禹曰卿言吾之有河內猶高祖之有關中關中非鮪何誰能使一方

晏然高祖無西顧之憂吳漢之能卿舉之矣復為我舉  
蕭何禹曰寇恂才兼文武有御衆才非恂莫可安河內  
也按世祖既貳更始先得河內魏郡因欲守之以比  
關中非本心造謀即欲指取河內也今依范書為定蕭

王謂恂曰昔高祖留蕭何關中吾今委公以河內當給

足軍糧率厲士馬防遏它兵勿令北度而已拜馮異為

孟津將軍

賢曰孟地名古今以為津在河內郡河陽縣南門外

統魏郡河內兵於

河上以拒洛陽蕭王親送鄧禹至野王禹既西蕭王乃

復引兵而北寇恂調糒糧

復扶又翻調徒弔翻糒音戾乾食也

治器械以

供軍

治直之翻

軍雖遠征未嘗乏絕

隗崔隗義謀叛歸天

水隗囂恐井及禍乃告之更始誅崔義以囂為御史大

夫武帝元鼎三年置天水郡秦州記云郡前湖水冬夏無增減因以名焉梁王永據國

起兵招諸郡豪桀沛人周建等並署為將帥攻下濟陰

山陽沛楚淮陽汝南凡得二十八城

將即亮翻帥所類翻濟子禮翻

又

遣使拜西防賊帥山陽佼彊為橫行將軍

賢曰西防縣名故城在今

宋州單父縣北佼音絞姓也周大夫原伯佼之後姓譜曰春秋絞國即佼也後改從人漢有佼彊杜佑曰佼音効予考兩漢志無西防縣東海賊帥董憲為翼漢大將軍琅邪賊帥

張步為輔漢大將軍督青徐二州與之連兵遂專據東

方 邛人秦豐起兵于黎丘攻得邛宜城等十餘縣有

衆萬人自號楚黎王

按王莽之末秦豐已起兵矣通鑑書于上卷地皇二年邛宜城二縣

屬南郡孟康曰邛音忌師古曰邛音其又劉昭曰邛有

黎丘城賢曰習鑿齒襄陽記曰秦豐黎丘鄉人黎丘楚

地故稱楚黎王黎丘故城在今襄州率道縣北杜佑曰

襄州宜城縣舊率道也水經注黎丘在中廬縣西北沔

水逕

其西 汝南田戎攻陷夷陵


賢曰夷陵縣名屬南郡有夷山故曰夷陵今陝州縣

故城在今縣西北水經注吳改夷陵為西陵

自稱埽地大將軍轉寇郡縣衆

數萬人

資治通鑑卷三十九



總校官庶吉士臣侍朝

校對官修撰臣張書勲

謄錄監生臣彭希純

欽定四庫全書薈要

史部

資治通鑑卷四十一

詳校官編修臣汪鏞



資治通鑑卷四十

宋 司馬光 撰

胡三省 音註

漢紀三十二

起旃蒙作噩盡柔兆閏茂凡二年

世祖光武皇帝上之上

諱秀字文叔賢曰禮祖有功而宗有德光武中葉興

故廟稱世祖謚法能紹前業曰光克定禍亂曰武伏侯古今註曰秀之字曰茂伯仲叔季兄弟之次長兄伯升次仲故字文叔焉

建武元年

是年六月即位改元

春正月方望與安陵人弓林

姓譜弓魯



大夫叔弓之後又孔子弟子有仲弓又有駟臂子弓

共立前定安公嬰為天子聚

黨數千人居臨涇

臨涇縣屬安定郡  
賢曰今涇州縣

更始遣丞相松等

擊破皆斬之

鄧禹至箕關

賢曰箕關在今王屋縣東  
余據唐王屋縣屬懷州水

經註箕關故  
城在垣縣

擊破河東都尉進圍安邑

縣名屬  
河東郡

赤眉

二部俱會弘農更始遣討難將軍蘇茂拒之

難乃  
旦翻

茂軍

大敗赤眉衆遂大集乃分萬人為一營凡三十營三月

更始遣丞相松與赤眉戰於務鄉

賢曰務音莫老翻字  
林曰毒草也因以為

地名續漢志弘農有務鄉東觀記曰崇等入至弘農枯  
縱山下與茂戰崇比至務鄉轉至湖湖即湖城縣也以

此而言其地蓋在今  
號州湖城縣之間

松等大敗死者三萬餘人赤眉遂

轉北至湖 蜀郡功曹李熊說公孫述宜稱天子

說翰  
芮翻

夏四月述即帝位號成家

賢曰以起成  
都故號成家

改元龍興

時有  
龍出

其府因  
以紀元

李熊為大司徒述弟光為大司馬校為大司空

越雋任貴據郡降述

王莽天鳳三年任貴據  
越雋雋音髓任音士

蕭王北

擊尤來大槍五幡於元氏

地理志元氏縣屬常山郡閭  
駟曰趙公子元之封邑故曰

元氏追至北平連破之

賢曰北平縣屬中山  
國今易州永樂縣也

又戰於順水

北賢曰水經註云徐水經北平縣故城北光武追銅馬  
五幡破之於順水即徐水之別名也今在易州括地

志徐水過北平縣界而東流又東逕清苑城

乘勝輕進反為所敗

敗補遺翻

王自

投高岸突騎王豐下馬授王

騎奇寄翻下同

王僅而得免散兵

歸保范陽

賢曰縣名在范水之陽屬涿郡范陽故城在今易州易縣東南

軍中不見王

或云已歿諸將不知所為吳漢曰卿曹努力王兄子在

南陽何憂無主

兄子謂伯升子章及興也

衆恐懼數日乃定賊雖戰

勝而憚王威名夜遂引去大軍復進至安次連戰破之

復扶又翻賢曰安次縣名屬渤海郡今幽州縣也故城在縣東按我朝霸州文安縣本漢安次縣地賊

退入漁陽所過虜掠彊弩將軍陳俊言於王曰賊無輜

重

重直用翻

宜令輕騎出賊前使百姓各自堅壁以絕其食

可不戰而殄也王然之遣俊將輕騎馳出賊前視人保

壁堅完者敕令固守放散在野者因掠取之賊至無所

得遂散敗王謂俊曰因此虜者將軍策也馮異遣李軾

書為陳禍福

遺于李翻為于偽翻

勸令歸附蕭王軾知長安已危

而以伯升之死心不自安

事見上卷更始元年

乃報書曰軾本與

蕭王首謀造漢

事見三十八卷王莽地皇三年

今軾守洛陽將軍鎮孟

津俱據機軸

賢曰機弩牙也軸車軸也皆在物之要故取喻焉

千載一會思成

斷金

易曰二人同心其義斷金陸德明曰斷丁亂翻王肅丁管翻

唯深達蕭王願進

愚策以佐國安民軼自通書之後不復與異爭鋒

復扶又翻

故異得北攻天井關

劉昭志曰上黨高都縣有天井關賢曰在今澤州晉城縣南今太行

山上關南有天井泉三所

拔上黨兩城又南下河南成臯以東十三

縣降者十餘萬武勃將萬餘人攻諸畔者異與戰於士

鄉下

劉昭志河南雒陽縣有士鄉聚續漢志曰士鄉亭名屬河南郡

大破斬勃軼閉門

不救異見其信效具以白王王報異曰季文多詐

李軼字季

文人不能得其要領

要一遙翻

今移其書告守尉當警備者

衆皆怪王宣露軼書朱鮪聞之

鮪于軌翻

使人刺殺軼

刺七亦翻

由是城中乖離多有降者

降戶江翻

朱鮪聞王北征而河

內孤乃遣其將蘇茂賈彊將兵三萬餘人度鞏河攻溫

鞏縣

屬河南郡周鞏伯之國也河水過鞏縣北謂之鞏河即

五社津也溫縣屬河內郡周大夫蘇子邑賢曰鞏溫並

今洛州

鮪自將數萬人攻平陰以綴異

賢曰平陰縣名屬河南郡杜佑

縣也

曰漢平陰縣城在今洛陽縣北五十里水經註平陰即

晉之陰地故陰戎所居魏文帝改曰河陰綴謂連綴也

將即檄書至河內寇恂即勒軍馳出並移告屬縣發兵

亮翻

會溫下軍吏皆諫曰今洛陽兵度河前後不絕宜待衆

軍畢集乃可出也。恂曰：溫郡之藩蔽失，溫則郡不可守。遂馳赴之。旦日合戰，而馮異遣救。及諸縣兵適至，恂令士卒乘城鼓譟，大呼言曰：劉公兵到！蘇茂軍聞之，陳動。

呼火故翻  
陳讀曰陣

恂因奔擊，大破之。馮異亦渡河擊朱鮪，鮪走。

異與恂追至洛陽，環城一帀而歸。

環音宦，帀作答，翻周回也。

自是洛

陽震恐，城門晝閉。異、恂移檄上狀，諸將入賀。因上尊號。

上時掌  
翻下同

將軍南陽馬武先進曰：大王雖執謙退，奈宗廟

社稷何宜！先即尊位，乃議征伐。今此誰賊而馳騫擊之！

乎

賢曰誰謂未有主也前書音義曰直馳曰馳亂馳曰驚余謂誰賊者蓋謂位號未正指誰為賊也

王

驚曰何將軍出此言可斬也乃引軍還薊復遣吳漢率

耿弇景丹等十三將軍追尤來等

復扶又翻下除賈復外皆同

斬首

萬三千餘級遂窮追至浚靡而還

賢曰浚靡縣名屬右北平郡故城在今漁

陽縣北賊散入遼西遼東為烏桓人所鈔擊略盡

莫

白翻鈔都護將軍賈復

漢宣帝置西域都護盡護南北道諸國甘延壽之擊郅支也自

謂為都護將軍漢朝未以為將軍號也至光武乃以命賈復

與五校戰於真定復傷

創甚

校戶教翻創初良翻

王大驚曰我所以不令賈復別將者

將



亮翻為其輕敵也

偽翻為子

果然失吾名將聞其婦有孕生女

邪我子娶之生男邪我女嫁之不令其憂妻子也復病

尋愈追及王於薊相見甚驩

薊音計

還至中山諸將復上

尊號王又不聽行到南平棘

賢曰縣名屬常山郡今趙州縣故城在縣南

諸

將復固請之王不許諸將且出耿純進曰天下士大夫

捐親戚棄土壤從大王於矢石之間者其計固望攀龍

鱗附鳳翼以成其所志耳今大王留時逆眾不正號位

純恐士大夫望絕計窮則有去歸之思無為久自苦也

大衆一散難可復合純言甚誠切王深感曰吾將思之

行至鄣

續漢志鄣縣屬常山國帝於此即位改曰高邑鄣呼各翻

召馮異問四方動

靜異曰更始必敗宗廟之憂在於大王宜從衆議會儒

生彊華自關中奉赤伏符來詣王曰劉秀發兵捕不道

四夷雲集龍闕野四七之際火為主

賢曰彊音其兩翻姓譜其良翻風俗

通作彊華系之曰晉有大夫彊劔四七二十八也自高祖至光武初起合二百二十八年即四七之際也漢火

德故火羣臣因復奏請六月己未王即皇帝位于鄣南

為主也時設壇於鄣南千秋亭五城陌賢曰其地在今趙州柏鄉縣

考異曰光武本紀馮異破蘇茂諸將上尊號光

武還至薊皆在四月前而馮異傳異與李軼書云長安  
壞亂赤眉臨郊王侯構難大臣乖離綱紀已絕又勸光  
武稱尊號亦曰三王反叛更始敗亡按是年六月己未  
光武即位是月甲子鄧禹破王匡等於安邑王匡張卬  
等還奔長安乃謀以立秋貍臙時共劫更始然則三王  
反叛應在光武即位之後夏秋之交馮異安得於四月  
之前已言之也或者史家  
潤色其言致此差失耳

改元大赦

鄧禹圍安邑數

月未下更始大將軍樊參將數萬人度大陽

賢曰大陽縣屬河東

郡前書音義曰大河之陽春秋秦伯伐晉自茅津濟杜預曰河東大陽縣也

欲攻禹禹逆擊

於解南斬之

賢曰解縣屬河東郡故城在今蒲州桑泉縣東南也師古曰解音蟹

王匡成

丹劉均合軍十餘萬復共擊禹禹軍不利明日癸亥匡

等以六甲窮日不出禹因得更治兵

治直之翻

甲子匡悉軍

出攻禹禹令軍中毋得妄動既至營下因傳發諸將

孟康

曰傳令軍中使發也

鼓而並進大破之匡等皆走禹追斬均及河

東太守揚寶遂定河東匡等竄還長安

考異曰劉玄傳王匡張卬守

河東為鄧禹所破奔還長安鄧禹傳無張卬名今從之

張卬與諸將議曰赤眉旦

暮且至見滅不久不如掠長安東歸南陽事若不集復

入湖池中為盜耳乃共入說更始

說翰芮翻

更始怒不應莫

敢復言

復扶又翻

更始使王匡陳牧成丹趙萌屯新豐李松

軍擷以拒赤眉

賢曰擷音子侯翻及續漢志新豐有鴻門亭擷城即此也

張卬廖湛

胡殷申屠建與隗囂合謀欲以立秋日驅騶時

賢曰前書音義

曰驅獸以立秋日祭獸王者亦此日出獵用祭宗廟冀州北郡以八月朝作飲食為騶其俗語曰騶臘社伏風俗通嘗新始殺食曰騶騶漢儀立秋日郊禮畢始揚威武乃祀先虞告以烹鮮天子御戎輅白馬朱鬣躬執弩射牲牲以鹿麋斬牲於郊東門載獲車馳騶以薦陵廟名騶劉劉殺也騶於時殺物故以應之又謂之騶騶摩力弔翻騶去共劫更始俱成前計

屠建等勸更始讓帝考異曰袁紀云申

位更始不應建等謀劫之今從范書

更始知之託病不出召張卬等入將

悉誅之唯隗囂稱疾不入會客王遵周宗等勒兵自守

更始狐疑不決卬湛殷疑有變遂突出獨申屠建在更

始斬建使執金吾鄧曄將兵圍隗囂第卬湛殷勒兵燒

門入戰宮中更始大敗囂亦潰圍走歸天水明旦更始

東奔趙萌於新豐更始復疑王匡陳牧成丹與張卬等

同謀乃並召入牧丹先至即斬之王匡懼將兵入長安

與張卬等合赤眉進至華陰

華戶化翻

軍中有齊巫

齊巫齊國

之常鼓舞祠城陽景王

城陽景王章有誅諸呂之功故齊人祠之以求福助

巫狂

言景王大怒曰當為縣官何故為賊

賢曰縣官謂天子也

有笑巫

者輒病軍中驚動方望弟陽說樊崇等曰今將軍擁百

萬之衆西向帝城而無稱號

說翰內翻  
稱尺證翻

名為羣賊不可

以久不如立宗室挾義誅伐以此號令誰敢不從崇等

以為然而巫言益甚前至鄭

鄭縣屬京兆賢  
曰今華州縣

乃相與議

曰今迫近長安而鬼神若此當求劉氏共尊立之先是

赤眉過式

地理志式縣屬泰山郡  
近其新翻先悉薦翻

掠故式侯萌之子恭

茂盆子三人自隨

萌之父曰憲城陽景王五世孫  
荒王順之子元帝時封式侯

恭少

習尚書

少詩  
照翻

隨樊崇等降更始於洛陽

樊崇等降見上  
卷更始元年降

戶江

復封式侯為侍中在長安茂與盆子留軍中屬右

校卒史劉俠卿主牧牛

漢注卒史秩百石九卿寺及諸郡及軍行部校皆有之校戶教

翻俠戶  
類翻

及崇等欲立帝求軍中景王後得七十餘人唯

茂盆子及前西安侯孝最為近屬崇等曰聞古者天子

將兵稱上將軍乃書札為符曰上將軍又以兩空札置

笥中

賢曰札簡也笥篋也

於鄭北設壇場祠城陽景王諸三老從

事皆大會

赤眉諸帥最尊者號三老次從事

列盆子等三人居中立以

年次探札盆子最幼後探得符

探吐南翻

諸將皆稱臣拜盆



子時年十五被髮徒跣敝衣赭汗見衆拜恐畏欲啼

被皮

義翻茂謂曰善臧符

臧讀曰藏

盆子即齧折棄之

折而設翻

以徐宣

為丞相樊崇為御史大夫逢安為左大司馬

逢皮江翻

謝祿

為右大司馬其餘皆列卿將軍盆子雖立猶朝夕拜劉

俠卿時欲出從牧兒戲俠卿怒止之崇等亦不復候視

也

復扶又翻

秋七月辛未帝使使持節拜鄧禹為大司徒

封鄧侯食邑萬戶

賢曰鄧縣屬南陽郡故城在今襄州穀城縣東北余謂益以禹功比蕭何

故封之鄧

禹時年二十四又議選大司空帝以赤伏符

鄧音贊

曰王梁主衛作玄武丁丑以野王令王梁為大司空

以帝

野王衛之所徙玄武水神之名司空水土之官也於是  
用梁賢曰玄武北方之神龜蛇合體野王縣屬河內郡  
宋白曰懷州河又欲以識文用平狄將軍孫咸行大司

內縣古野王也

馬衆咸不悅

識楚  
諧翻

壬午以吳漢為大司馬初更始以琅

邪伏湛為平原太守

姓譜伏本自伏羲之後漢  
初有濟南伏生守式又翻

時天下

兵起湛獨晏然撫循百姓門下督謀為湛起兵湛收斬

之

諸郡各有門下督  
主兵衛為子偽翻

於是吏民信向平原一境賴湛以

全帝徵湛為尚書使典定舊制又以鄧禹西征拜湛為

司直行大司徒事

東都之司徒西都之丞相也司徒即丞相司直

車駕每出征

伐常留鎮守

鄧禹自汾陰渡河入夏陽

汾陰縣屬河東夏陽縣屬

馮翊更始左輔都尉公乘歙引其衆十萬與左馮翊兵共

拒禹於衙

地理志左輔都尉治高陵賢曰左輔即左馮翊也三輔皆有都尉衙縣名屬左馮翊故城

在今同州白水縣東北左傳秦晉戰於彭衙即此地公乘姓也以秦爵為氏乘繩橙翻歙許及翻

禹復

破走之

復扶又翻

宗室劉茂聚衆京密間

茂元氏王歙從父弟也賢曰京縣屬

河南郡鄭之京邑故城在今鄭州滎陽縣東南密縣屬河南郡故城在今密縣東南

自稱厭新將

軍

厭一葉翻厭伏也新謂新室也

攻下潁川汝南衆十餘萬人帝使驃

騎大將軍景丹建威大將軍耿弇彊弩將軍陳俊攻之

茂來降

降戶江翻

封為中山王

已亥帝幸懷

懷故城在武陟縣西南十

餘里賢曰縣名屬河內郡故城在懷州武陟

縣西余據河內郡治懷在雒陽北百四十里

遣耿弇陳

俊軍五社津

即鞏河也水經注河水東過鞏縣北於此有五社渡為五社津杜佑曰一名五渡津

脩滎陽以東使吳漢率建議大將軍朱祐等十一將軍

圍朱鮪於洛陽八月進幸河陽

地理志河陽縣屬河內郡

李松自

振引兵還從更始與趙萌共攻王匡張卬於長安連戰

月餘匡等敗走更始徙居長信宮

三輔黃圖曰從洛門至周廟門有長信宮

在其  
中 赤眉至高陵

地理志高陵縣屬馮翊

王匡張卬等迎降之遂

共連兵進攻東都門李松出戰赤眉生得松松弟況為

城門校尉開門納之九月赤眉入長安更始單騎走從

厨城門出

三輔黃圖曰洛城門王莽改曰建子門其內有長安厨官俗名之為厨城門今長安故城

北面之中門是也騎奇寄翻

式侯恭以赤眉立其弟自繫詔獄聞更

始敗走乃出見定陶王祉祉為之除械

偽翻為于

相與從更

始於渭濱右輔都尉嚴本恐失更始為赤眉所誅即將

更始至高陵

將如字領也携也挾也

本將兵宿衛其實圍之

右輔都尉

治都高陵左輔都尉治所也右恐當作左

更始將相皆降赤眉獨丞相曹竟

不降手劒格死

又手守翻

辛未詔封更始為淮陽王吏民

敢有賊害者罪同大逆其送詣吏者封列侯初宛人

卓茂

卓姓也史記貨殖傳有蜀卓氏宛於元翻

寬仁恭愛恬蕩樂道

恬安恬蕩坦蕩

蕩也樂音洛

雅實不為華貌行已在於清濁之間自束髮至

白首未嘗與人有爭競鄉黨故舊雖行能與茂不同

下行

孟而皆愛慕欣欣焉哀平間為密令

宋白續通典曰密縣古鄆國密國之

地左傳諸侯伐鄭圍新密漢為縣屬河南郡今縣東南三十里有故密城即漢理所視民如子舉

善而教口無惡言吏民親愛不忍欺之民嘗有言部亭

長受其米肉遺者

賢曰部謂所部也遺于季翻下同

茂曰亭長為從汝

求乎為汝有事囑之而受乎

囑之欲翻託也私請也

將平居自以

恩意遺之乎民曰往遺之耳茂曰遺之而受何故言邪

民曰竊聞賢明之君使民不畏吏吏不取民今我畏吏

是以遺之吏既卒受

卒終也音子恆翻

故來言耳茂曰汝為敝

民矣凡人所以羣居不亂異於禽獸者以有仁愛禮義

知相敬事也汝獨不欲修之寧能高飛遠走不在人間

邪吏顧不當乘威力彊請求耳亭長素善吏歲時遺之

禮也民曰苟如此律何故禁之茂笑曰律設大法禮順

人情今我以禮教汝汝必無怨惡以律治汝汝何所措

其手足乎

治直之翻下同

一門之內小者可論大者可殺也且

歸念之初茂到縣有所廢置吏民笑之鄰城聞者皆蚩

其不能

蚩笑也

河南郡為置守令茂不為嫌治事自若

茂正

為令郡復置守令使與

茂並居郡為于偽翻

數年教化大行道不拾遺遷京

部丞

王莽秉政置大司農部丞十三人勸課農桑京部丞主司隸所部

密人老少皆涕



泣隨送及王莽居攝以病免歸上即位先訪求茂茂時

年七十餘甲申詔曰夫名冠天下

冠古玩翻

當受天下重賞

今以茂為太傅

東都之制太傅位上公絕席在三公之右

封褒德侯

臣光曰孔子稱舉善而教不能則勸

論語孔子答季康子之言

是

以堯舉皋陶湯舉伊尹而不仁者遠

論語子夏答樊遲之言陶音遙

有德故也光武即位之初羣雄競逐四海鼎沸彼摧

堅陷敵之人權略詭辯之士方見重於世而獨能取

忠厚之臣旌循良之吏拔於草萊之中寘諸羣公之

首宜其光復舊物享祚久長蓋由知所先務而得其本原故也

諸將圍洛陽數月朱鮪堅守不下帝以廷尉岑彭嘗為

鮪校尉

朱鮪為大司馬以彭為校尉後從邑人韓歆于河內遂歸光武校戶教翻

令往說之

說輪

鮪在城上彭在城下為陳成敗

偽翻

鮪曰大司徒

被害時鮪與其謀又諫更始無遣蕭王北伐

事並見上卷更始元

年與讀

誠自知罪深不敢降彭還具言於帝

還從宣翻

帝曰舉大事者不忌小怨鮪今若降官爵可保況誅罰

乎河水在此吾不食言

賢曰指河以為信言其明白也  
索隱曰左傳曰食言多矣能無

肥乎是謂食

彭復往告鮪鮪從城上下索

復扶又翻下  
遐稼翻索昔

言為妄言

各曰必信可乘此上

上時掌  
翻下同

彭趣索欲上

賢曰趣向  
也春遇翻

鮪

見其誠即許降辛卯朱鮪面縛與岑彭俱詣河陽帝解

其縛召見之復令彭夜送鮪歸城明旦與蘇茂等悉其

衆出降拜鮪為平狄將軍封扶溝侯

地理志扶溝縣屬  
淮陽郡陳留風俗

傳小扶亭有消水  
之溝因以名縣

後為少府傳封累世帝使侍御史河

內杜詩安集洛陽將軍蕭廣縱兵士暴橫

橫戶  
孟翻

詩敕曉

不改

敕戒也曉開喻也

遂格殺廣還以狀聞上召見賜以榮戟

漢雜事曰漢制假榮戟以代斧鉞崔豹古今注曰榮戟前驅之器也以木為之後代刻偽無復典刑以赤油韜之亦謂之油戟亦曰榮戟遂擢任之 冬十月癸丑車王公以下通用之以前驅

駕入洛陽幸南宮遂定都焉

蔡質漢儀曰南宮至北宮中央作大屋複道三道行

天子從中道從官夾左右十步一衛兩宮相去七里

赤眉下書曰聖公降者封

為長沙王過二十日勿受更始遣劉恭請降赤眉使其

將謝祿往受之更始隨祿肉袒上璽綬於盆子

璽斯氏翻綬音

受赤眉坐更始置庭中將殺之劉恭謝祿為請不能得

為于偽翻下同遂引更始出劉恭追呼曰呼火故翻臣誠力極請得

先死拔劍欲自刎武粉翻樊崇等遽共救止之乃赦更始

封為畏威侯劉恭復為固請復扶又翻竟得封長沙王更始

常依謝祿居劉恭亦擁護之劉盆子居長樂宮樂音洛

三輔郡縣營長遣使貢獻時三輔豪傑處處屯聚各有營長長知兩翻兵士

輒剽奪之又數暴掠吏民由是皆復固守剽匹妙翻數所角翻復扶

又翻百姓不知所歸聞鄧禹乘勝獨克而師行有紀賢曰紀網

紀也言有條皆望風相攜負以迎軍降者日以千數衆貫而不殘暴

號百萬禹所止輒停車拄節以勞來之

勞力到翻來力代翻

父老

童穉垂髮戴白滿其車下莫不感悅

賢曰垂髮童幼也戴白父老也穉直

利翻於是名震關西諸將豪桀皆勸禹徑攻長安禹曰不

然今吾衆雖多能戰者少前無可仰之積

賢曰仰魚向翻

後無

轉饋之資赤眉新拔長安財穀充實鋒銳未可當也夫

盜賊羣居無終日之計財穀雖多變故萬端寧能堅守

者也上郡北地安定三郡土廣人稀饒穀多畜

畜許救翻謂六

也吾且休兵北道就糧養士以觀其敝乃可圖也於是

引軍北至栒邑

賢曰栒邑縣屬右扶風故城在今幽州三水縣東北宋白曰三水縣東北二十

五里邠邑原上有栒邑故城栒音荀考異曰袁紀禹

曰璽書每至輒曰無與窮赤眉爭鋒按世祖賜禹書責

其不攻長安不容有此語二年十一月詔

徵禹還乃曰毋與窮寇爭鋒袁紀誤也

所到諸營保

郡邑皆開門歸附上遣岑彭擊荊州羣賊下犂葉等

十餘城

地理志犂葉二縣皆屬南陽郡賢曰犂故城在今汝州魯山縣東南葉今許州葉縣也師古曰

犂音昌牛翻

葉音式涉翻

十一月甲午上幸懷梁王永稱帝於

睢陽

雖音

十二月丙戌上還洛陽三輔苦赤眉暴

虐皆憐更始欲盜出之張卬等深以為慮

卬等攻更始恐其得位而

禍及已故  
深以為慮

使謝祿縊殺之劉恭夜往收藏其尸帝詔鄧

禹葬之於霸陵中即將宛人趙熹將出武關

宛於元翻  
熹許計翻

又許  
里翻

道遇更始親屬皆裸跣飢困

裸郎  
果翻

熹竭其資糧以

與之將護而前

將送也

宛王賜聞之迎還鄉里

還從宣翻  
又如字

隗囂歸天水復招聚其衆

復扶  
又翻

興修故業自稱西州

上將軍三輔士大夫避亂者多歸囂囂傾身引接為布

衣交以平陵范滂為師友

滂七  
倫翻

前涼州刺史河內鄭興

為祭酒

前書音義曰禮飲酒必祭示有先也  
故稱祭酒祭祀時唯長者以酒沃爵

茂陵申屠



剛杜林為治書

賢曰治書即治書侍御史治直之翻

馬援為綏德將軍楊

廣王遵周宗及平襄行巡阿陽王捷

地理志平襄縣阿陽縣屬天水郡行

姓巡名姓譜周有大行人之官其後氏焉

長陵王元為大將軍安陵班彪之

屬為賓客由此名震西州聞於山東

聞音問

馬援少時以

家用不足辭其兄況欲就邊郡田牧況曰汝太才當晚

成良工不示人以朴且從所好

賢曰從其所請也少詩照翻好呼到翻下同

遂之北地田牧常謂賓客曰丈夫為志窮當益堅老當

益壯後有畜數千頭穀數萬斛

畜許救翻

既而歎曰凡殖財

產貴其能賑施也

施式鼓翻

否則守錢虜耳乃盡散於親舊

聞隗囂好士往從之囂甚敬重與決籌策班彪穉之子

也

班穉見三十六卷平帝元始元年

初平陵竇融累世仕宦河西知

其土俗與更始右大司馬趙萌善私謂兄弟曰天下安

危未可知河西殷富帶河為固張掖屬國精兵萬騎

漢邊

郡皆置屬國有都尉以領之

一旦緩急杜絕河津足以自守此遺種

處也

賢曰遺留也可以保全不畏絕滅種章勇翻

乃因萌求往河西萌薦融

於更始以為張掖屬國都尉融既到撫結雄桀懷輯羌

虜

輯和

甚得其歡心是時酒泉太守安定梁統

姓譜梁姓本自

秦仲周平王封其少子康於夏陽梁山

是為梁伯後為秦所併子孫以國為氏

金城太守庫鈞

賢曰前書音義曰庫姓即倉庫吏後也

今羌中有姓庫者音舍承鈞之後也

張掖都尉茂陵

史苞酒泉都尉竺曾

姓譜竺孤竹君之後本姓竹後漢

賢不改其族乃加二字以

存夷齊一曰天竺國之後

敦煌都尉辛彤

敦徒門翻彤余中翻

並

州郡英俊融皆與厚善及更始敗融與梁統等計議曰

今天下擾亂未知所歸河西斗絕在羌胡中

賢曰斗峻絕也余謂

斗僻絕也

不同心戮力則不能自守權鈞力齊復無以相率

復扶  
又翻

當推一人為大將軍共全五郡觀時變動議既定

而各謙讓以位次咸共推梁統統固辭乃推融行河西

五郡大將軍事武威太守馬期張掖太守任仲

任音  
士

並

孤立無黨乃共移書告示之二人即解印綬去於是以

梁統為武威太守史苞為張掖太守竺曾為酒泉太守

辛彤為敦煌太守融居屬國領都尉職如故置從事監

察五郡

監古  
銜翻

河西民俗質樸而融等政亦寬和上下相

親晏然富殖脩兵馬習戰射明烽燧羌胡犯塞融輒自

將與諸郡相救皆如符要

賢曰赴敵不失期契也將即亮翻

每輒破之

其後羌胡皆震服親附內郡流民避凶飢者歸之不絕

王莽之世天下咸思漢德安定三水盧芳居左谷中

續漢志曰三水縣有左右谷故城在今涇州安定縣南水經注肥水出高平西北牽條山東北出峽注于高平川水東有山山東有三水縣故城本屬國都尉治詐稱武帝曾孫劉文伯云曾

祖母匈奴渾邪王之姊也常以是言誑惑安定間王莽末乃與三水屬國羌胡起兵更始至長安徵芳為騎都尉使鎮撫安定以西更始敗三水豪桀共立芳為上將

軍西平王

賢曰欲平定西方故以為號

使使與西羌匈奴結和親單

于以為漢氏中絕劉氏來歸我亦當如呼韓邪立之令

尊事我乃使句林王將數千騎迎芳兄弟入匈奴

賢曰句古

侯翻

立芳為漢帝以芳弟程為中郎將將胡騎還入安定

帝以關中未定而鄧禹久不進兵賜書責之曰司徒

堯也亡賊桀也長安吏民遑遑無所依歸宜以時進討

鎮慰西京繫百姓之心禹猶執前意別攻上郡諸縣更

徵兵引穀歸至大要

賢曰大要縣屬北地郡

積弩將軍馮愔車騎

將軍宗歆守柁邑二人爭權相攻恠遂殺歆

恠於今翻

因反

擊禹禹遣使以聞帝問使人

使疏吏翻

恠所親愛為誰對曰

護軍黃防帝度恠防不能久和執必相忤

度徒洛翻忤五故翻

因

報禹曰縛馮恠者必黃防也乃遣尚書宗廣持節往降

之

降戶江翻

後月餘防果執恠將其衆歸罪更始諸將王匡

胡殷成丹等皆詣廣降廣與東歸至安邑道欲亡廣悉

斬之恠之叛也引兵西向天水隗囂逆擊破之於高平

地理志高平縣屬安定郡賢曰今原州高平縣杜佑曰原州他樓縣漢高平縣地又曰原州平高縣即漢高平

縣考異曰鄧禹傳惜叛在建武元年隗囂傳在二年蓋惜以元年冬末叛延及二年囂拜官在二年也盡

獲其輜重

重直用翻

於是禹承制遣使持節命囂為西州大

將軍得專制涼州朔方事

鄧禹西征任專方面權宜命囂故曰承制言承制詔而命

之也後之承制始此

臘日赤眉設樂大會酒未行羣臣更相辯

關

更工衡翻

而兵衆遂各踰宮斬關入掠酒肉互相殺傷衛

尉諸葛穉聞之

穉直利翻

勒兵入格殺百餘人乃定劉盆子

惶恐日夜啼泣從官皆憐之

從才用翻

帝遣宗正劉延攻

天井關與田邑連戰十餘合延不得進及更始敗邑遣



使請降即拜為上黨太守帝又遣諫議大夫儲大伯持

節徵鮑永永未知更始存亡疑不肯從收繫大伯遣使

馳至長安詢問虛實

詞霸正翻候伺也又古迴翻

初帝從更始在

宛

宛於元翻

納新野陰氏之女麗華

風俗通管脩自齊適楚為陰大夫其後氏焉

是歲遣使迎麗華與帝姊湖陽公主妹寧平公主俱到

洛陽

賢曰寧平縣屬淮陽故城在今亳州谷陽縣西南

以麗華為貴人更始西

平王李通先娶寧平公主上徵通為衛尉初更始以

王閔為琅邪太守張步據郡拒之閔諭降得贛榆等六

縣

地理志贛榆縣屬琅邪郡師古曰贛音紺榆音踰賢曰贛音貢今海州東海縣也余據今人皆從顏音

收兵與步戰不勝步既受劉永官號治兵於劇

地理志劇縣屬

北海郡賢曰故城在今青州壽光縣南故紀國城也治直之翻

遣將徇泰山東萊城陽

膠東北海濟南齊郡皆下之閔力不敵乃詣步相見步

大陳兵而見之怒曰步有何罪君前見攻之甚閔按劍

曰太守奉朝命

朝直遥翻

而文公擁兵相拒

張步字文公

閔攻賊

耳何謂甚邪步起跪謝與之宴飲待為上賓令閔闕掌

郡事

賢曰闕通也

二年春正月甲子朔日有食之 劉恭知赤眉必敗密

教弟子歸璽綬習為辭讓之言及正旦大會恭先曰

諸君共立恭弟為帝德誠深厚立且一年殽亂日甚誠

不足以相成恐死而無益願得退為庶人更求賢知唯

諸君省察

知讀曰智  
省悉景翻

樊崇等謝曰此皆崇等罪也恭復

固請

復扶又  
翻下同

或曰此寧式侯事邪

賢曰劉恭為式侯言  
衆立天子非恭所預

恭惶恐起去盆子乃下牀解璽綬叩頭曰今設置縣官

而為賊如故四方怨恨不復信向此皆立非其所致

願乞骸骨避賢聖路必欲殺盆子以塞責者無所離死

賢曰離避也  
塞悉則翻

因涕泣噓唏

賢曰唏  
與歔同

宗等及會者數百人

莫不哀憐之乃皆避席頓首曰臣無狀負陛下

無狀無  
善狀也

請自今已後不敢復放縱因共抱持盆子帶以璽綬盆

子號呼不得已

號戶  
翻

既罷出各閉營自守三輔翕然稱

天子聰明百姓爭還長安市里且滿後二十餘日復出

大掠如故

力子都為其部曲所殺餘黨與諸賊會檀

鄉號檀鄉賊

力依考異當作刁賢曰今  
兖州瑕丘縣東北有檀鄉

寇魏郡清河魏

郡大吏李熊弟陸謀反城迎檀鄉

反音翻

或以告魏郡太

守潁川鉞期

賢曰鉞音姚姓也魏郡秦置故城在今相州安陽縣東北

期召問熊熊

叩頭首服

首式救翻

願與老母俱就死期曰為吏儻不若為

賊樂者可歸與老母往就陸也

賢曰必以在城中為吏不如為賊之樂即任將

母往就弟

使吏送出城熊行求得陸將詣鄴城西門

魏城

樂音洛

治鄴城將如字

陸不勝愧感

勝音升

自殺以謝期期嗟歎以禮葬

之而還熊故職於是郡中服其威信帝遣吳漢率王梁

等九將軍擊檀鄉於鄴東漳水上

水經漳水源出上黨長子縣西發鳩山東

過壺關屯留潞武安等縣又東出山過鄴縣

大破之十餘萬衆皆降又使梁

與大將軍杜茂將兵安輯魏郡清河東郡悉平諸營保

保與三郡清靜邊路流通

自雒陽至漁陽上谷路出三郡三郡既平則邊路流通矣

范史杜茂

傳邊作道

庚辰悉封諸功臣為列侯

盤州洪氏曰西京列侯其傳國

皆有世次東都枝葉不蕃而史筆又簡畧

梁侯鄧禹

禹始封鄴是年改封梁侯地理志梁縣屬河南

郡唐汝州治梁縣宋白曰漢梁縣故城在汝水之南

廣平侯吳漢

賢曰廣平縣屬廣平郡故城在

今汝州永年縣西北

皆食四縣博士丁恭議曰古者封諸侯不過

百里強幹弱枝所以為治也

治直吏翻

今封四縣不合法制

帝曰古之亡國皆以無道未嘗聞功臣地多而滅亡者也陰鄉侯陰識貴人之兄也以軍功當增封識叩頭讓曰天下初定將帥有功者衆臣託屬掖廷仍加爵邑不可以示天下此為親戚受賞國人計功也

戰國公孫龍告平原君之

言帝從之帝令諸將各言所樂

樂音洛

皆占美縣

占之瞻翻

河

南太守潁川丁綝獨求封本鄉或問其故綝曰綝能薄

功微得鄉亭厚矣帝從其志封新安鄉侯

綝丑林翻漢法大縣侯位

視三公小縣侯位視上卿鄉亭侯位視中二千石綝潁川定陵人新安鄉蓋在定陵

帝使郎中魏

郡馮勤典諸侯封事勤差量功次輕重國土遠近地勢

豐薄不相踰越莫不厭服焉

量音良厭於飽翻

帝以為能尚書

衆事皆令總錄之故事尚書郎以令史久次補之帝始

用孝廉為尚書郎

百官志尚書令史十八人秩二百石侍郎三十六人秩四百石主作文書

起草蔡質漢儀曰尚書郎初從三署詣臺試初上臺稱守尚書郎中歲滿稱尚書郎三年稱侍郎

起

高廟於洛陽

正月甲子朔不應有壬子誤

四時合祀高

祖太宗世宗建社稷于宗廟之右立郊兆于城南

續漢志曰

立社稷於雒陽在宗廟之右皆方壇四面及中各依方色無屋有牆門而已白虎通曰天子之壇方五大諸侯



之壇半天子之壇社者土也人非土不立非穀不食故  
封土立社示有土也稷者五穀之長得陰陽中和之氣  
故祭之也沈約曰禮云共工氏之霸九州其子句龍曰  
后土能平九土故祀以為社烈山氏之有天下其子曰  
神農能殖百穀其裔曰柱佐顓頊為稷官主農事周弃  
繼之法施於人故祀以為稷禮王為羣姓立社曰太社  
王自為立社曰王社故國有二社而稷亦有二也漢魏  
則有官社無稷故常二社一稷也傳咸曰天子親耕以  
供粢盛親耕自報故自為立社為籍而報也國以人為  
本人以國為命故又為百姓立社而祈報也此社之所  
以有二也王肅論王社謂春祈籍田秋而報之也其論  
太社則曰王者布下圻內為百姓立之謂之太社不自  
立之京師也杜佑曰社者五土之神五土者山林川澤  
丘陵墳衍原隰等各有所育羣生賴之故特於吐生物  
處別立其名為社稷者於五土之中特指原隰之祇以  
五土雖各有所生而山林川澤丘陵墳衍此四者雜出

材用等物於五穀之功則少且生人所急者食故於五  
土之中別旌異原隰之祇以報之以其能生五穀名其  
神但五穀不可適言以稷為五穀之長春生秋成之主  
稷者原隰之中能生五穀之祇是也續漢書曰制郊兆  
於雒陽城南七里為壇八階中又為重壇天地位皆在  
壇上其外壇上為五帝位青帝位在甲寅赤帝位在丙  
巳黃帝位在丁未白帝位在庚申黑帝位在壬亥其外  
為壇重營皆紫以象紫宮營有通道以為門日月在營  
內南道日在東月在西北斗在北道之西外  
營中營凡千五百一十四神高皇帝配食焉

### 長安城

中糧盡赤眉收載珍寶大縱火燒宮室市里恣行殺掠

長安城中無復人行

復扶又翻

乃引兵而西衆號百萬自南

山轉掠城邑遂入安定北地鄧禹引兵南至長安軍昆

明池謁祠高廟收十一帝神主送詣洛陽

高惠文景武昭宣元成哀

平十一帝賢曰神主以木為之方尺二寸穿中央達四方諸侯王長一尺虞主用桑練主用栗衛宏漢舊儀曰已葬收主為木函藏廟太室中西壁坎中去地六尺一寸祭則立主於坎下

因巡行園陵為

置吏士奉守焉

行下孟翻為于偽翻

真定王楊造識記曰赤九

之後癭楊為主

賢曰漢以火德故云赤也光武於高祖九代孫故云九癭於鄆翻癭生於頸而

附於楊病癭欲以惑衆與綿曼賊交通

賢曰綿曼縣名屬真定國故城

在今恒州石邑縣西北俗音訛謂之人文故城也

帝遣騎都尉陳副游擊將軍

鄧隆徵之楊閉城門不內帝復遣前將軍耿純持節行

幽冀所過勞慰王侯

復扶又翻行下孟翻勞力到翻

密敕收楊純至真

定止傳舍

傳株戀翻

邀楊相見純真定宗室之出也故楊不

以為疑且自恃衆強而純意安靜即從官屬詣之

賢曰男子

謂姊妹之子為出純母蓋真定宗室之女故楊不疑而來見純

楊兄弟並將輕兵在門

外

將即亮翻

楊入見純純接以禮敬因延請其兄弟皆入乃

閉閣悉誅之因勒兵而出真定震怖無敢動者

怖普布翻

帝

憐楊謀未發而誅復封其子為真定王

楊子德

二月己

酉車駕幸脩武

賢曰縣名屬河內郡本殷之寧邑韓詩外傳曰武王伐紂勒兵于寧故曰脩武

今懷州縣也

鮑永馮衍審知更始已亡乃發喪出儲大伯

等封上印綬悉罷兵幅巾詣河內

杜佑曰按巾六國時趙魏之間通謂之承

露庶人及軍旅皆服之賢曰幅巾謂不著冠但幅巾束首也傳玄子曰漢末王公卿士多委王服以幅巾為雅是以袁紹崔鈞之徒雖為將帥皆著幘巾上時掌翻考異曰鮑永傳稱永降於河內時攻懷未拔帝謂永曰我攻懷三日而城不下關東畏服卿可且將故人自往城下譬之即拜永諫議大夫至懷乃說更始河內太守於是開城而降按光武未都洛陽以前屢幸懷又祠高祖於懷宮並無更始河內太守據懷事本紀亦無攻懷一節按田邑書稱主亡一歲莫知定所則永衍之降必在此年而帝紀光武此年不曾幸河內但有幸脩武事然則永衍實降于脩武脩武亦河內縣也其稱降懷等事當是史誤故皆畧之  
帝見永問曰卿

衆安在永離席叩頭曰

離力  
智翻

臣事更始不能令全誠慙

以其衆幸富貴故悉罷之帝曰卿言大而意不悅

帝雖  
謂永

言大而其降  
晚意懷不悅也

既而永以立功見用

賢曰謂說下懷余  
按考異不取下懷

事當以永討平魯郡為功也按永傳時董憲裨將屯魯  
侵害百姓乃拜永為魯郡太守永到討擊大破之唯別  
帥彭豐虞休皮常等各千餘人稱將軍不肯下永以計  
誘手格殺豐等禽破黨與以功封關內侯遷楊州牧

行遂廢棄永謂衍曰昔高祖賞季布之罪誅丁固之功

事見十一卷高帝  
五年丁固即丁公

今遭明主亦何憂哉衍曰人有挑其

鄰人之妻者其長者罵而少者報之

挑徒了翻長知兩  
翻少詩照翻下同

後其夫死取其長者或謂之曰夫非罵爾者邪

夫非之夫音扶

曰在人欲其報我在我欲其罵人也

賢曰此並陳軫對秦王之辭見戰國

策引之者言已為故主守節亦冀新帝重之也為于偽翻

夫天命難知人道易守

易以

翻守道之臣何患死亡大司空王梁屢違詔命

梁與吳漢

俱擊檀鄉詔軍事一屬漢而梁輒發野王兵帝以其不奉詔勅令止在所縣而梁復以便宜進軍是屢違詔命也

帝怒遣尚書宗廣持節即軍中斬梁廣檻車送京師

既至赦之以為中郎將北守箕關

水經註潞水出河東垣縣王屋西山潞溪

夾山東南流逕故城東即潞關也光武遣王梁守之

壬子以太中大夫京兆宋

弘為大司空弘薦沛國桓譚為議郎給事中

帝以沛郡為沛國

帝令譚鼓琴愛其繁聲弘聞之不悅伺譚內出

內出從禁中出

也伺相

吏翻

正朝服坐府上

朝直遙翻

遣吏召之譚至不與席而

讓之且曰能自改邪將令相舉以法乎譚頓首辭謝良

久乃遣之後大會羣臣帝使譚鼓琴譚見弘失其常度

帝怪而問之弘乃離席免冠謝曰

離力智翻

臣所以薦桓譚

者望能以忠正導主而令朝廷耽悅鄭聲臣之罪也帝

改容謝之湖陽公主新寡帝與共論朝臣微觀其意主



曰宋公威容德器羣臣莫及帝曰方且圖之後弘被引

見

被皮義翻  
見賢遍翻

帝令主坐屏風後

釋名屏風  
障風也

因謂弘曰諺

言貴易交富易妻人情乎弘曰臣聞貧賤之交不可忘

糟糠之妻不下堂帝顧謂主曰事不諧矣帝之討王

郎也彭寵發突騎以助軍

事見上  
卷二年

轉糧食前後不絕及

帝追銅馬至薊寵自負其功意望甚高帝接之不能滿

以此懷不平

賢曰負恃也不能滿其望故心不平也按  
寵傳先是吳漢北發兵帝遣寵以所服劍

倚為北道主人及追銅馬北至薊寵來謁謂當迎  
閣握手交歡並坐帝接之不能滿其意所以失望

及即

位吳漢王梁寵之所遣

事見上卷  
更始二年

並為三公而寵獨無

所加愈怏怏不得志

怏於  
兩翻

歎曰如此我當為王但爾者

陛下忘我邪

爾猶言  
如此也

是時北州破散而漁陽差完有舊

鐵官

地理志漁陽郡  
漁陽有鐵官

寵轉以貿穀積珍寶益富彊

貿音  
茂

幽州牧朱浮年少有俊才欲厲風迹

賢曰風化之迹  
也少詩照翻

收

士心辟召州中名宿

有名者  
宿之士

及王莽時故吏二千石皆

引置幕府多發諸郡倉穀稟贍其妻子寵以為天下未

定師旅方起不宜多置官屬以損軍實

賢曰謂甲兵糧  
儲也左傳曰墜

軍實也

不從其令浮性矜急自多

賢曰矜誇多自取也

寵亦狠彊嫌

怨轉積浮數譖構之密奏寵多聚兵穀意計難量

狠戶鑿翻

數所角翻

上輒漏泄令寵聞以脅恐之

恐欺用翻又如字

至是

量音良

有詔徵寵寵上疏願與浮俱徵帝不許寵益以自疑其

妻素剛不堪抑屈固勸無受徵曰天下未定四方各自

為雄漁陽大郡兵馬最精何故為人所奏而棄此去乎

寵又與所親信吏計議皆懷怨於浮莫有勸行者帝遣

寵從弟子后蘭卿喻之寵因留子后蘭卿遂發兵反拜

署將帥自將二萬餘人攻朱浮於薊又以與耿況俱有重功而恩賞並薄數遣使邀誘況邀一遙翻況不受斬其使

延岑復反圍南鄭

岑降嘉見上卷更始二年復扶又翻下同

漢中王嘉兵

敗走岑遂據漢中進兵武都

地理志武都縣屬武都郡

為更始柱功

侯李寶所破岑走天水

走音奏

公孫述遣將侯丹取南鄭

嘉收散卒得數萬人以李寶為相從武都南擊侯丹不

利還軍河池下辨

賢曰河池縣屬武都郡一名仇池今鳳州縣也下辨道亦屬武都郡今成

州同谷縣師古曰辨音皮覓翻

復與延岑連戰岑引北入散關至陳倉

賢曰散關故城在今陳倉縣南十里有散谷水因取名焉地理志陳倉縣屬右扶風唐為寶雞縣屬岐州嘉

追擊破之公孫述又遣將軍任滿從閬中下江州東據

扞關

賢曰閬中江州皆縣名並屬巴郡閬中今隆州縣也江州故城在渝州巴縣西宋白曰今渝州江津

縣本漢江州縣史記曰楚肅王為扞於是盡有益州之

地

漢益州部漢中巴郡廣漢蜀郡犍為牂柯越巂益州等郡

辛卯上還洛陽三

月乙未大赦更始諸大將在南方未降者尚多帝召

諸將議兵事以檄叩地曰郾最彊宛為次誰當擊之

叩去

后翻又丘侯翻師古曰郾一戰翻宛於元翻

賈復率然對曰

率然輕遠之貌

臣請擊

郾帝笈曰執金吾擊郾吾復何憂

復扶又翻

大司馬當擊宛

遂遣復擊郾破之尹尊降又東擊更始淮陽太守暴汜

汜降

賢曰淮陽故城在今陳州宛丘縣東南汜音汎又音凡降戶江翻

夏四月虎牙

大將軍蓋延

蓋古盡翻

督駙馬都尉馬武等四將軍擊劉永

破之遂圍永於睢陽故更始將蘇茂反

茂隨朱鮪降今復反

殺淮

陽太守潘薨

姓譖周文王之子季孫食采於潘因氏焉晉有潘父楚有潘崇

據廣樂而

臣於永

賢曰廣樂地關今宋州虞城縣有長樂故城蓋避隋煬帝諱改

永以茂為大司

馬淮陽王

吳漢擊宛宛王賜奉更始妻子詣洛陽降

帝封賜為慎侯

賢曰慎縣屬汝南郡故城在今潁州潁上縣西北

叔父良族父

歙族兄祉皆自長安來申午封良為廣陽王祉為城陽

王

宛王賜於光武為族兄更始近屬也歙許及翻亦更始近屬更始封為元氏王祉族兄春陵康侯敞之子

光武之族姪而春陵節侯買之嫡曾孫也更始封為定陶王

又封兄續子章為太原

王興為魯王更始三子求歙鯉皆為列侯

求為襄邑侯歙為穀熟侯

鯉為壽光侯

鄧王王常降帝見之甚歡曰吾見王廷尉不

憂南方矣

更始以王常為廷尉故帝稱之常降則得南陽一郡故云不憂南方

拜為左曹

前書百官表左右曹加官受尚書事此時益為專官也

封山桑侯

賢曰山桑縣屬沛郡今亳州縣

五月庚辰封族父歆為泗水王 帝以陰貴人雅性

寬仁欲立以為后貴人以郭貴人有子

西都後宮之號十四等未有貴

人光武中興斷珣為樸六宮稱號唯有皇后貴人貴人金印紫綬奉不過數十斛

終不肯當六

月戊戌立貴人郭氏為皇后立其子彊為皇太子大赦

丙午封泗水王子終為淄川王

終歆子也與帝少相親愛故封為王

秋賈復南擊召陵新息平之

召陵新息二縣並屬汝南郡賢曰新息故城在今豫

州新息縣西南

復部將殺人於潁川潁川太守寇恂捕得繫獄

時尚草創軍營犯法率多相容恂戮之於市復以為耻



還過潁川謂左右曰吾與寇恂並列將帥而為其所陷

今見恂必手劔之恂知其謀不欲與相見姊子谷崇曰

崇將也得帶劔侍側卒有變足以相當卒讀曰猝恂曰不然

昔藺相如不畏秦王而屈於廉頗者為國也事見四卷周赧王三

十六年為乃敕屬縣盛供具儲酒醪說文曰醪兼汁滓酒執金吾

軍入界一人皆兼二人之饌賢曰饌具也雛睨翻又音雛戀翻恂出迎

於道稱疾而還復勒兵欲追之而吏士皆醉遂過去恂

遣谷崇以狀聞帝乃徵恂恂至引見時賈復先而坐祖坐

卧翻欲起相避帝曰天下未定兩虎安得私鬪今日朕分

之分猶解也於是並坐極歡遂共車同出結友而去 八月

帝自率諸將征五校校戶教翻丙辰幸內黃賢曰內黃縣屬魏郡今相州縣

大破五校於蕤陽降其衆五萬人賢曰蕤陽縣名屬魏郡故城在今相州堯

城縣東余據左傳晉荀盈如齊逆女還卒於戲陽杜預

註內黃縣北有戲陽城堯城縣本漢內黃縣隋開皇十

八年更名唐末改宋定縣戲與

蕤同許宜翻降戶江翻下同

帝遣游擊將軍鄧隆

助朱浮討彭寵隆軍潞南浮軍雍奴遣吏奏狀潞雍奴二縣皆

屬漁陽郡水經曰鮑丘水過潞縣南曰潞河鄧隆軍於

是水之南為彭寵所破宋白曰幽州武清縣本漢雍奴

縣水經注云雍奴藪澤之名四面有水曰雍水不流曰奴

帝讀檄怒謂使吏曰

遣吏來使

故曰使吏

營相去百里其勢豈可得相及比若還

若汝也

使疏吏翻

必寐翻

北軍必敗矣彭寵果遣輕兵擊隆軍大破之浮

及也

遠遂不能救蓋延圍睢陽數月克之

蓋古盍翻

劉永走至

虞

賢曰虞縣屬梁國故城在今宋州虞城縣

虞人反殺其母妻永與麾下數

十人奔譙

地理志譙縣屬沛郡賢曰今亳州縣

蘇茂佼彊周建合軍三萬

餘人救永延與戰於沛西

地理志沛縣屬沛郡賢曰今徐州縣

大

破之永彊建走保湖陵

地理志湖陵縣屬山陽郡

茂犇還廣樂延遂

定沛楚臨淮

三郡也

帝使太中大夫伏隆持節使青徐二

州招降郡國青徐羣盜聞劉永破敗皆惶怖請降

怖普布翻

張步遣其掾孫昱隨隆詣闕上書獻鰓魚

鰓步各翻

隆湛之

子也

堵鄉人董訢反宛城

水經註曰堵水南經小城鄉賢曰在今唐州方城縣

堵音者宛於元翻

執南陽太守劉麟揚化將軍堅鐔攻宛拔之

麟離珍翻鐔徒含翻堅姓鐔名

訢走還堵鄉

吳漢徇南陽諸縣所過

多侵暴破虜將軍鄧奉謁歸新野

謁歸謁告而歸也

怒漢掠其

鄉里遂反擊破漢軍屯據滎陽與諸賊合從

從子容翻

九

月壬戌帝自內黃還

陝賊蘇況攻破弘農

陝失冉翻

帝使

景丹討之會丹薨征虜將軍祭遵擊弘農栢華蠻中賊

皆平之

東觀記曰栢華聚也酈道元曰河南郡新城縣故蠻子國也縣有酈聚今名蠻中括地志故麻

城謂之蠻中在汝州

赤眉引兵欲西上隴

隴縣屬天水郡有大

梁縣界祭則介翻

坂名隴坻三秦記曰其坂九回不知高幾許欲上者七

日乃越高處可容百餘家清水四注下郭仲產秦州記

曰隴山東西百八十里登山嶺東望秦川四五百里極

目泯然山東人行役升此而顧瞻者莫不悲思故歌曰

隴頭流水分離四下念我行役艱然曠野登高遠望

涕零雙陸度汧隴無蠶桑八月乃麥五月乃凍解

隗

囂遣將軍楊廣迎擊破之又追敗之於烏氏涇陽間

烏氏

涇陽二縣屬安定郡賢曰烏氏故城在今涇州安定縣東四十里涇陽故城在今原州平高縣之南敗補邁翻

氏音

赤眉至陽城番須中

鄴道元曰陽城在安民縣成帝永始二年罷安定呼他苑

以為安民縣賢曰番須口與回中相近並在汧番音盤

逢大雪坑谷皆滿士多凍

死乃復還發掘諸陵

復扶又

取其寶貨凡有玉匣殮者

率皆如生

殮力

賊遂汧辱呂后尸

汧烏故翻關中記呂后合葬長陵高祖陵

在西呂后陵在東

鄧禹遣兵擊之於郁夷

地理志郁夷縣屬右扶風

反為所

敗

敗補邁翻

禹乃出之雲陽

地理志雲陽縣屬左馮翊

赤眉復入長安延

岑屯杜陵

賢曰縣名屬京兆周之杜伯國在今萬年縣東南

赤眉將逢安擊之

鄧禹以安精兵在外引兵襲長安會謝祿救至禹兵敗

走延岑擊逢安大破之

逢音龐

死者十餘萬人廖湛將赤

眉十八萬攻漢中王嘉嘉與戰於谷口

地理志谷口縣屬馮翊賢曰故

城在今醴泉縣東北四十里水經註曰涇水東經九峻山東中山西謂之谷口杜佑曰谷口今雲陽縣治谷是宋白曰當涇水所出之處故謂之谷口廖力弔翻又力救翻大破之嘉手殺湛遂到

雲陽就穀嘉妻兄新野來歙帝之姑子也帝令鄧禹招

嘉嘉因歙詣禹降

歙許及翻

李寶倨慢禹斬之

考異曰更始柱功侯李

寶時為劉嘉相此蓋別一人同姓名余參考范書究其本末漢中王嘉即以更始柱功侯李寶為相禹誅之非

別一人也

冬十一月以廷尉岑彭為征南大將軍帝於大

會中指王常謂羣臣曰此家率下江諸將輔翼漢室心

如金石真忠臣也

此家猶言此人也

即日拜常為漢忠將軍使

與岑彭率建義大將軍朱祐等七將軍討鄧奉董訢彭

等先擊堵鄉

堵音者

鄧奉救之朱祐軍敗為奉所獲

銅

馬青犢尤來餘賊共立孫登為天子登將樂玄殺登以

其衆五萬餘人降

鄧禹自馮愔叛後威名稍損又乏

糧食戰數不利

數所角翻

歸附者日益離散赤眉延岑暴亂



三輔郡縣大姓各擁兵衆禹不能定帝乃遣偏將軍馮

異代禹討之車駕送至河南

地理志河南縣屬河南郡故郊鄆地周武王遷九鼎

周公營以為都是為王城雒陽周公遷殷民是為成周  
晉地道記河南城去雒城四十里宋白曰河南縣周平  
王徙居于此至敬王乃徙居成周漢為河南  
縣歷魏晉及後魏皆理於唐苑城東北隅

敕異曰三

輔遭王莽更始之亂重以赤眉延岑之醜

重直用翻

元元塗

炭

賢曰塗炭者若陷泥  
墜火喻窮困之極也

無所依訴將軍今奉辭討諸不

軌營保降者遣其渠帥詣京師

帥所類翻

散其小民令就農

桑壞其營壁無使復聚

壞音怪復  
扶又翻

征伐非必畧地屠城

要在平定安集之耳諸將非不健鬪然好虜掠

好呼到翻

卿

本能御史士念自修敕無為郡縣所苦異頓首受命引而西所至布威信羣盜多降

臣光曰昔周人頌武王之德曰敷時繹思我徂惟求

定

周頌賚之詩也敷布也繹陳也徂往也求定謂安天下也

言王者之兵志在布

陳威德安民而已觀光武之所以取關中用是道也

豈不美哉

又詔徵鄧禹還曰慎毋與窮寇爭鋒

窮寇者言其勢已窮執必致死也兵

法曰窮寇勿追

赤眉無穀自當來東吾以飽待飢以逸待勞

孫武

子之折筭答之

筭杖也折杖答之言易也

非諸將憂也無得復妄進

兵

復扶又翻下同

帝以伏隆為光祿大夫復使於張步

使疏吏翻

拜

步東萊太守并與新除青州牧守都尉俱東詔隆輒拜

令長以下

令力政翻長知兩翻

十二月戊午詔宗室列侯為王

莽所絕者皆復故國

王莽始建國二年免漢宗室列侯為民事見三十七卷復如字

三輔大饑人相食城郭皆空白骨蔽野遺民往往聚為

營保各堅壁清野赤眉虜掠無所得乃引而東歸衆尚

二十餘萬隨道復散

復扶又翻

帝遣破姦將軍侯進等屯新

安建威大將軍耿弇等屯宜陽以要其還路

地理志新安宜陽二

縣皆屬弘農

郡要與邈同敕諸將曰賊若東走可引宜陽兵會新安

賊若南走可引新安兵會宜陽馮異與赤眉遇於華陰

華戶化翻相距六十餘日戰數十合降其將卒五千餘人



資治通鑑卷四十